



丹溪心法附餘卷之二十二

休寧東山古菴方廣約之類傳

小兒門上

小兒諸病 九十九

丹溪心法

○乳下小兒常多濕熱食積痰熱傷乳為病大槩肝與脾病多 小兒易怒肝病最多大人亦然肝只是有餘腎只是不足

○小兒初生未經食乳急取甘草一寸火上炙熟細切置地上出火毒一時許用水一小盞熬至三分之一去滓用新綿蘸滴兒口中令噉盡

諸病

須臾吐痰及瘀血方與乳食年長知睿無病

○小兒急慢驚風發熱口禁手心伏執痰執咳嗽痰喘此類証並用湯法吐之重劑瓜蒂散輕劑用苦參赤小豆末須鯁蟄汁調服之後用通聖散為末蜜丸服間以桑樹上牛兒陰乾焙末調服以平其氣 驚有二證 一者執痰主急驚當吐瀉之 一者脾虛乃為慢驚所以多死當養脾 急驚只用降火下痰養血 慢驚者先實脾吐後散風邪只用朱砂安神丸更於血藥中求之

○小兒驚然無故大叫作發者必死是火大發則虛其氣故也入方黑龍丸 治小兒急慢驚風

牛膽南星一兩 青礞石煅硝等分

天竺黃半兩 青黛半兩

薑薑二錢 辰砂三錢 殭蚕半錢

蜈蚣一錢半

右為末甘草煎膏丸如鷄頭大每服一二丸急驚煎姜蜜薄荷湯下

慢驚煎桔梗白朮湯下

治驚而有熱者

人參 茯苓 白芍酒炒 白朮

右咬咀姜煎夏月加黃連生甘草竹葉

通聖散 見斑疹類

朱砂安神丸 見驚悸類

瓜蒂散 見痘類

○疳病或肚大筋青

胡黃連丸 治疳病腹大

胡黃連半錢去

阿魏一錢半醋

神麩二錢去

麝香四粒 炒黃連二錢去

右為末猪膽汁丸如黍米大每服二三十丸白朮湯送下 又云胡

黃連丸十二粒白朮湯下

五積丸 治小兒諸般疳積

丑頭末 一兩

黃連 半兩

陳皮 一兩

青皮 半兩

山查 半兩

右炒焦黑色為末每用巴豆霜半錢前藥末半錢宿蒸餅丸麻子大小兒二歲十丸五更姜湯下至天明大便泄為度溫粥補之未利再服三五丸

烏犀丸

丑頭末 二兩

青皮 三兩

史君子肉 七錢半

白蕪荑 二錢

鶴虱 五錢

蘆薈 一錢燒紅醋淬另研

苦練根皮 五錢

右炒令焦黑色為末麩丸麻子大每三五丸米飲送下食前量小兒大小加減

黃龍丸

三稜 三兩

黑用莪朮 三兩 青皮 一兩

山查 七錢 乾姜 七錢半

右用麩丸麻子大日曬乾食後姜湯下量兒大小加減
○烏犀黃龍間服食前服烏犀食後服黃龍

肥兒丸 治小兒疳積

蘆薈 另研

胡黃連 三錢 炒麩 四錢

黃連 白朮

山查 炒半兩

蕪荑 炒二錢

右為末荳薈和勻猪膽汁九粟米大每六十九食前米飲下
疳黃食積

白朮

黃連

苦參

山查 等分

右為末麩糊丸麻子大食後白湯下十五丸
食傷胃熱熏蒸

白朮 一兩

半夏

黃連 半兩

十胃散

右用粥丸食後白湯下二十九

○心法附錄曰小兒疳病者小兒臟腑嬌嫩飽則易傷乳哺飲食一或失常不為疳者鮮矣疳皆因乳食不調其肥無節而作也或嬰幼缺乳粥飯太早耗傷形氣則疳之根生延及歲月五疳之病成甚者胸陷喘噓乳食直瀉腫滿下利腹脇脹疼皮發紫瘡肌肉光紫與夫疳勞渴瀉面稿色夭骨露齒張腹硬不食者皆危篤矣凡此等類盧扁復生難施其巧

○子熱

炒芍藥

香附

滑石 一兩

甘草 三錢

苦苣連 二錢

右作四服水一盞半生薑三片煎乳母服

○風痰

南星

一兩切用白礬末半兩水一兩指厚浸晒乾研細入

白附子 二兩

右為末飛白麩糊丸如芡實大每服一二丸姜蜜薄荷湯化下

白附丸

牛膽南星

兩須用黃牯牛胆臘月粉合風乾隔一年用牛胆須入

南星親手修 大陳半夏 兩

粉白南星

一兩切作片用臘月雪水浸七日去水晒乾

枯白礬 二錢半

右為末宿蒸餅丸如桐子大用姜汁蜜湯送下有熱加薄荷葉

紫金丸 治小兒哮喘不止端午日修合

黑菽

四十九粒浸透去皮研如泥次入

人言 一錢

鴉管石 一錢

右為末丸如黍米大朱砂為衣每一丸或二丸量兒大小空心冷茶

清下當日忌生冷葷腥熱物服藥病止後更服白附丸三五貼

○小兒腹痛多是飲食所傷宜

白木

陳皮

青皮

山查

神麩炒

砂仁

麥蘖

甘草

諸病

受寒痛者加藿香吳茱萸有熱加黃芩

○小兒腹脹

蘿蔔子蒸 紫蘇 乾葛 陳皮等分 甘草減半

食減者加白朮煎服

小兒好喫粽成腹脹疼用白酒麴末同黃連末為丸服之愈

又方 治小兒腹脹

茯苓皮 陳皮 赤小豆 蘿蔔子炒 木通各半錢

木香二分 甘草步少

右咬咀姜一片煎服

○小兒吐瀉黃疸

三稜 莪朮 青皮 陳皮 神麴砂
茯苓 麥蘗 黃連 甘草 白朮

右為末調服 傷乳食吐瀉加山查 時氣吐瀉加滑石 發熱加

薄荷

○夏月小兒吐瀉用益元散錢氏五補五瀉之藥俱可用 吐瀉腹

痛吐乳調脾以平胃散入熟蜜加蘇合香丸名萬安膏用米湯化下

○夏月熱病六一散最妙

○小兒痢疾

黃連 黃芩 陳皮 甘草

右以水煎服 赤痢加紅花桃仁 白痢加滑石末

又方治小兒食積痢

炒神麴 蒼朮 滑石 白芍 黃芩
白朮 甘草炙 陳皮

右咬咀水煎下保和丸 一方加茯苓

○小兒赤痢壯熱用藍青搗汁每服半盞與之妙

○小兒黑斑紅斑瘡痒癢疹並宜用防風通聖散為末調服

○小兒口糜

戴云謂滿口生瘡者便是

江茶 粉草

右為末敷之一方用黃丹

又方

苦參 黃丹 五倍子 青黛

右等分為末敷之

又方

青黛 芒硝

右為末敷口中

又方

黃栢 細辛 青蘘

右等分為末噙之吐出涎不過三日愈亦治大人 治胎毒口瘡

倍子黃丹甘草江茶芒硝等分為末敷之

○龜胸

蒼朮 酒栢 酒芍藥 陳皮 防風

威靈仙 山查 當歸

痢後加生芋

○小兒夜啼此是邪熱乘心

黃連 姜汁炒 甘草

右用竹葉二十片煎服 又方加人參二錢半作二服入姜一片煎

又法夜啼不止潛取捕鷄窠草一捆置小兒身下

諸病

○小兒脫肛

戴云脫肛者大腸脫下之說

○脫囊即外腎腫大

戴云脫囊者陰囊腫大墜下不收上之說 或云潰爛陰丸脫出

入方

木通

甘草

黃連炒

當歸

黃芩

右以水煎服

又方 治脫肛

用東北方陳壁土泡湯先熏後洗

又方 治脫囊

紫蘇葉莖為末乾傳如爛用香油調鵝翎刷 又用青荷葉包上

○小兒木舌

戴云木舌者舌腫硬不和軟也又重舌者亦是此類二者皆是熱病

入方

百草霜

芒硝

滑石

右為末酒調傳之

重舌用好膽礬研細傳之

○路血

戴云咯紅者即唾內有血非吐血與咳血

入方

黑豆

甘草

陳皮

右煎服

○小兒尿血

甘草湯調益元散加升麻煎服尤妙

○小兒喫泥胃氣熱故也

入方

軟石膏

黃芩

陳皮

茯苓

白朮

甘草

右用水煎服

又方

膩粉一錢砂糖和丸如麻子太米飲下一丸瀉出立瘥

○小兒解顛乃是母氣虛熱多耳

戴云即初生小兒頭上骨未合而開者

入方

四君子與四物子母皆可服 有熱加酒炒黃芩連生甘草煎服

外用帛束緊用白斂末傅之

○小兒吐蛇虫

以苦練根為君佐以二陳湯煎服

小兒冬月吐蛇多是胃寒胃虛所致錢氏白朮散加丁香二粒

錢氏白朮散

藿香

白朮

木香

白茯苓

甘草

人參 各一錢 乾葛 二錢

右為末每一錢至二錢水煎服

○小兒口噤

治法用搐鼻方

鬱金

藜蘆

瓜蒂

右為末水調搐之

○小兒禿頭

諸病

法方餘卷之三

用白炭燒紅碎長流水令熱洗之內又服酒製通聖散除大黃另
用酒炒入研為末再用酒拌乾每服一錢水煎頻服 外又用胡
荑子伏龍肝懸龍尾即泥上灰塵 黃連白礬為末油調傳
又方

松樹厚皮燒灰二兩

黃丹水飛一兩

寒水石一兩細研

白礬枯

黃連

大黃各半兩

白膠香熬飛傾石上二兩

輕粉四錢或

右為末熬熱油調傳瘡上須先洗了瘡痂傳之佳

又方 治小兒癩頭并身癩等証

松皮燒灰

白膠香

粘礬

大黃

黃柏

右為末用熱油調敷

小兒頭瘡

臘猪油半生半熟 雄黃

水銀等分

右研和勻洗淨付瘡上

又方

川芎

酒片苓

酒芍藥

陳皮半兩

酒白朮

酒當歸一兩半

酒天麻

蒼朮

蒼耳七錢半

酒栢

酒粉草四錢

防風三錢

右為末水盪起煎服日四五次服後嚼片時

又方 單治頭瘡

松樹皮厚者燒灰二兩

白膠香熬沸傾石上二兩

黃丹一兩水

白礬火飛半兩

黃芩

黃連

大黃各三錢

蛇床子

寒水石三錢

白芷

無名異炒少許

木香少許痛者用

輕粉

右為極細末熬熱油調敷瘡上須洗淨瘡去痂傳之佳

又小兒瘡

諸病

猪牙皂角

去皮胡椒 芡小

枯礬

輕粉

右為末樟腦燭油搽七日如嬰桃膿窠去椒

○小兒臍腫汁出

用枯白礬末付或黃柏為末付之 又小兒臍不乾 伏龍肝塗 或用枯礬煨過白龍骨等分付之

○小兒天火丹臍腹起者赤溜不妨

蚯蚓泥炒調付

○小兒赤溜 主熱傷血

用生羊木通荆芥苦藥帶表之類外以芭蕉油塗患處芒硝濃煎 汁洗之 又方鷄子清調伏龍肝傅之

○小兒耳後月蝕瘡

黃連 枯白礬

右為末傅之

○小兒鼻赤

雄黃 黃丹

右同為末無根水調傅之 又蒼耳葉酒蒸焙乾為末調服最解食 毒 又鼻下一道赤者名曰蠶以黃連末付之

辛夷膏 專治小兒鼻流清涕不止

辛夷葉 一兩洗 淨焙乾

細辛

木通

白芷 各半兩

杏仁 一兩去皮 研如泥

木香 半兩

右為細末次用杏仁泥羊骨髓猪脂各一兩同諸藥和勻於瓦石器 中熬成膏赤黃色為度於地上放冷入腦麝各一錢拌勻塗顙門上 每用少許塗鼻中

○小兒變蒸是胎毒散也

○乳兒瘡疾痞塊

川芎 二錢

生芩

白芍 一錢半 陳皮

半夏

炒芩 一錢

甘草 二分

右作一服姜三片就煎下甲末半錢

○胎熱胎寒 新增

附諸方

釀乳方

楊氏方

解胎中受熱生下面赤眼閉不開大小便不通不能進

乳食

澤瀉 二兩半

猪苓

赤茯苓

天花粉

茵陳

甘草 各一兩

生地黃 二兩

右咬咀每服二錢水一盞

煎至半盞食後令乳母抱去宿乳却服

生地黃湯

楊氏方

治小兒生下遍身皆黃狀如金色身上壯熱大小便

不通乳食不進啼叫不止此胎黃之候皆因母受熱而傳於胎也凡

有此證乳母宜服此藥并畧與嬰兒服

生乾地黃

當歸

赤芍藥

川芎

天花粉 各等分

右咬咀每服五錢水一盞煎服

當歸散

楊氏方

治小兒胎中受寒生下再感外風面色青白四肢厥冷

大便青黑及腹疼盤腸內吊病並皆治之

當歸 剉微炒

黃耆 蜜炙

細辛

黃芩

龍骨 細研

桂心

赤芍藥 各半兩

右為末每服以乳汁調下一字日三服看兒大小加減

釣藤膏

楊氏方

治內吊腹疼

沒藥

乳香 各三錢 木香

姜黃

各四錢 木鱉 十箇

右先將後三味為細末同煎二味拌和煉蜜成劑收沙罐內量兒大

小加減煎釣藤湯化下次服魏香散

魏香散 錢氏方

蓬莪朮 半兩 真阿魏 一錢

右先用溫水化阿魏浸蓬莪朮一晝夜焙乾為末每服一字煎紫蘇

胎寒腸氣痛 楊氏方

米飲空心調下
方用沒藥乳香各少許研細用木香一塊於乳鉢內磨水半盞調乳香沒藥末煎數沸服之立効

茴香散 宣明方 治小兒盤腸氣痛

茴香 炒 木香 黑附子 金鈴子 去核 蘿蔔子 炒

檳榔 破故紙 炒 白豆蔻 煨各等分

右吹咀每服二錢水盞半入鹽煎服

木香散 經濟方 治小兒盤腸氣痛未已面青手冷日夜啼叫尿如米泔

川練子 七箇去皮核用巴豆三十五粒去皮同炒冷豆黃去盡不用 木香 黃史君子肉

延胡索 茴香 各一錢

右同為末清米飲空心調下量兒大小服之

勻氣散 治氣滯不勻宿食不消心腹刺痛嘔吐惡心調脾胃進飲食

丁香 檀香 木香 白豆蔻仁 各四錢

藿香 甘草 各八錢 砂仁 四錢 沉香 三錢 陳皮 四錢

右為細末用鹽湯調不拘時候

○臍風撮口 新增

附諸方

宣風散 治初生小兒臍風撮口多啼不乳口出白沫

全蝎 二十一箇頭尾全者去毒用好酒塗炙為末 麝香 一字別研

臍風

右同和為細末用半字金銀煎湯調服

辰砂殭蠶散 治小兒臍風撮口

辰砂

白殭蠶直者去絲 嘴炒一錢

蛇蛻皮一錢 炒 麝香半分 別研

右為細末少許用蜜調傳唇口

治撮口 張氏方 治小兒斷臍為風濕所乘或尿在抱裙之內遂成臍風

面赤喘急啼聲不出名曰撮口並皆治之

赤脚金頭蜈蚣 一枚

蝎稍 四尾

姜蚕 七箇

瞿麥 半錢

右為末先將鷲毛管吹藥入鼻內使嚏噴啼哭為可醫後用薄荷湯

調服之

定命散 陳氏方 治四剪臍傷於風濕致令口唇青撮口

赤脚蜈蚣 半條 酒炙

川烏頭 三箇 生

射香 少許 另研

右為末和勻每服半字金錢薄許湯調下

治撮口 湯氏方

用白姜蚕為末蜜調塗口唇內即瘥 白姜蚕要 自死

治撮口 聖惠方

用牛黃一錢研竹瀝一合調勻滴入口中

一方

取活蝎虎一箇 江蘇名 壁虎 裝內硃砂細末瓶內封口食砂月餘取出其

身赤色陰乾為細末每服一二分酒下大效

一方

用川山甲尾上甲三片羊油炙黃色蝎稍七箇共為極細末用人乳汁調塗乳上令兒吮之用厚衣包裹須臾小兒冷汗出愈

一方

小兒落胎之時視其臍軟者無臍風即不須治臍硬直者定有臍風

撮口

速用簪尖於臍根傍刺破一二處入射香末少許炙三炷後無臍風
又方 同前

珍珠四十九粒 研極細

白礬飛過

蛤粉

黃丹

血竭各五分 棗貓兒飛至青灰色棗子大頭上有兩角棗 樹上有之陰乾三枚無此味亦可

右六味為細末凡人家新生小兒綿裹臍帶離肚五六寸處先用軟
線繒住却於線外將臍咬斷片時去線待血流盡用鷲翎管送藥一
二分入臍大孔內近肚處臍有三孔一孔大以手指輕揉散艾灸臍頭三炷結
作紇絡軟帛腰裹切不可常時揭着待臍落去自無風矣此方萬不
失一 又云臍硬直者宜用此法臍軟者不必用此法

一方

兒初生七日若有臍風必自發出青筋一道行至肚却生兩岔待行
至心不治必死知者常視其青筋初發速照青筋頭上灸三炷或行

至生兩岔處亦照兩岔頭上截灸六炷青筋自消兒必活矣

一方

小兒初生七日急患臍風撮口百無一活父母坐視其死而無救良
可憫哉一秘法極有神驗世罕知之凡兒患此者齒齦之上有小泡
子如粟米狀急以溫水蘸青熟綿裹手指輕擦破即開口便安不
用服藥

○鵝口口瘡新增

附諸方

保命散 治小兒鵝口

白礬煨一錢 馬牙硝五錢 朱砂水飛一錢

右為細末每用一字取白鵝糞以水攪取汁調塗舌上頰頰內未用
藥時先以手指纏亂頭髮指舌上拭舌上垢然後用藥傳

一捻金散 治小兒鵝口口瘡

雄黃^{三錢} 鵬砂一錢 龍腦少許 甘草半錢

右為末乾摻患處或用蜜調搽

一方 小兒白屑滿舌狀如鵝口 葛氏方

用髮纏指頭蘸井花水拭口上如不脫濃煮粟米汁以綿纏筋頭拭

之却用煨過黃丹摻之

一方 小兒初生舌下有膜如石榴子連於舌根令兒言語不發

可摘斷之微有血無害如不止燒髮灰摻之 葛氏方

瀉心湯 錢氏方 治小兒口瘡

用黃連去芦為末蜜水調服 洗心散尤妙 方見火門

硃礬散 和劑方 治口瘡鵝口不能乳者

用硃砂細研白礬等分為末使亂髮纏指搯舌上令淨以藥付之

一方 治小兒口瘡

枯過白礬^{一錢半} 黃丹^{一錢} 丁香^{半錢}

右件煉蜜為丸如皂子大臨臥噙化小兒用筋頭點

一方 治小兒心有客熱滿口生瘡 楊氏方

用天南星末醋調貼脚心又有用吳茱萸末米醋調塗亦可

又方

用巴豆一粒去殼搗爛黃丹少許和捏餅外用紙覆貼眉心立止

真黃散 治小兒走馬疳

雞胓膜黃皮不以多少油燈上燒存性研細末入黃柏枯礬射香一

字用米泔水撓口內貼

立効散 同前

青黛 黃稻末 白礬^煨 五倍子末 各一錢

右為細末用米泔水攪口內貼

牙疳散

珍珠七箇

銅青一分

白磁谷煨一錢

千年沉石灰半錢

右為細末米泔水攪口貼

一方 治小兒牙疳

用白礬裝於五倍子內合燒過為末貼之

○重舌木古新增

附諸方

青液散

治嬰孩小兒鵝口重舌及口瘡

青黛一錢

龍腦一字

朴硝一錢

右為細末用蜜調鵝翎少許付上

一方 治小兒舌下生舌名曰重舌

楊氏方

用針刺去惡血即愈

治小兒重舌千金方

用竹瀝清黃蘗無時點舌上亦有用真蒲黃塗亦可

一方 治小兒舌腫塞口欲滿者

用紫雪一分竹瀝半合細研和勻頻置口中以盡為度

○胎驚夜啼新增

附諸方

一方 治小兒在胎中受驚故生未滿月而發驚湯氏方

用硃砂研細同牛黃少許取豬乳汁調稀抹入口中入射香當門子

尤妙

治胎癇驚風湯氏方

用全蝎頭尾全者以生薄荷葉裹之以綿扎定火上炙燥研為末入

夜啼

法外錄卷之三

射香硃砂少許麥門冬湯下

真珠散 湯氏方 治小兒客忤驚風痰熱心煩恍惚睡臥驚跳時或咬牙

啼叫不已小便赤澁或吐黃沫

真珠末 海螵蛸 滑石 各一錢 茯苓 人參

白附子 各二錢 甘草 全蝎 各半錢 朱砂 一錢 腦子

射香 各半錢 金銀箔 五片

右為末每服半錢燈心麥門冬煎湯入蜜少許調下

金箔鎮心丹 治嬰孩小兒鎮心解熱退驚安神除煩燥止啼

全蝎 七箇用薄荷包縛慢火炙乾 天麻 煨 防風 去芦 羌活 去芦

牛黃 赤茯苓 去皮 犀角 甘草 各一錢 射香

辰砂 水飛一錢 金箔 二十片

右為細末煉蜜丸如皂角子大薄荷煎湯不拘時候服

治小兒夜啼

用蟬蛻二七枚全者去翅足為末入硃砂一字蜜調為丸使吮之

燈花散 三四方 治邪熱在心內燥夜啼

用燈花三兩顆研為末燈心煎湯調末口中以乳汁送下日二服

龍齒散 澹寮方 治小兒夜啼不住

蟬蛻 去翅足洗泥土 釣藤 有釣子者 龍齒 茯苓 去皮 人參 各等分

右為末每服一錢水半中煎服

乳頭散 湯氏方 治夜啼不止腹中疼痛

黃耆 當歸 甘草 炙 赤芍藥 木香 各等分

右為末每挑少許着乳頭上使吮乳就服之

○變蒸發熱 新增

附諸方

變蒸

惺惺散 湯氏方 治小兒變蒸發熱或咳嗽痰涎鼻塞聲重相似傷寒者
此藥宜服

人參 去芦 半兩

白木

白茯苓

甘草

白芍藥

天花粉

桔梗 去芦 各半兩 細辛 二錢 半去 葉只用根

右為末每服二錢水半盞姜一片薄荷一葉煎服

神仙黑散子 陳氏方 治小兒變蒸與傷寒相似者當詳其証若上唇中心有白點子者為變蒸宜服此藥

麻黃 去節

大黃

杏仁 和以各一錢

右燒灰存性為末每服一字水半盞煎服抱男於溫暖處連進之有微汗身涼即瘥

生犀散

劉末 二錢

地骨皮

赤芍藥

柴胡

乾葛 各一兩

骨蒸肌熱瘦悴頰赤口乾日晚潮熱夜有盜汗五心煩熱

甘草 炙 二兩

右每服三錢水一鍾煎半鍾食遠溫服

○丹毒蘊熱 新增

附諸方

四順青涼飲子

和劑方

治一切丹毒積熱壅滯咽喉腫閉

方見火門

牛黃散

和劑方

治五種丹毒

鬱金

桔梗 去芦

天花粉

甘草

葛粉 各等分

右為末每服一錢薄荷湯入蜜調下

白玉散

錢氏方

治赤遊丹種

白芷 一兩

寒水石 二兩

右為末米醋調付患處或腫至外腎有破處只用水調

生料四物湯

湯氏方

治血熱生瘡遍身腫痒

生乾地黄

赤芍藥

川芎

當歸

去芦此本方防風續加各等分

黃芩減半

右吹咀每服三錢水一盞煎服

防已散

湯氏方

治小兒伏熱毒之氣遍身赤腫入腹入腎切防其殺人

漢防已半兩

朴硝

犀角

黃芩

黃耆

川升麻各二錢半

右吹咀每服三錢水一鍾加竹葉同煎半鍾溫服

漏蘆散

湯氏方

治五腫丹毒并諸瘡癬

漏芦

麻黃去根

連翹

川升麻

川芒硝

黃芩各二錢半

白欬七錢半

甘草二錢半

川大黃二兩炒

右吹咀每服二錢水一盞煎服

一方 治丹毒發作恐其入喉一時無藥

急以針於紅點處刺出惡血使毒於此而散

一方 治走馬火丹

用景天一名慎火草一名仙指甲不拘多少搗爛取汁塗之即效

土黃散 治赤流丹毒

先用小釘刀子刺去流頭赤暈惡毒汁次用

土硝一兩

大黃末一兩

右二件相合新汲水調拌勻用雞翎蘸藥時塗搽

伏龍肝散

應驗方

治赤腫赤毒火毒入注

伏龍肝不拘多少用雞子清調敷赤腫處大效

升麻飲

經驗方

治小兒一切丹毒遍身壯熱煩渴

升麻

黃芩

大黃各一錢

麥門冬去心

朴硝

右為末和勻熟水調下半錢或吹咀作一服白水煎服

五福化毒丹 和劑方 治小兒蘊積熱毒驚惕狂燥頰赤咽乾口舌出瘡

夜臥不寧譫語煩渴頭面身體多生瘡癩

玄參 水洗 桔梗 各二錢 白茯苓 二錢 人參 去芦 牙硝 枯

青黛 各一錢 甘草 各七 射香 二厘

右為末煉蜜丸如雞頭大金銀箔為衣薄荷湯化下一丸

消毒犀角飲 和劑方 治六八小兒內蘊邪熱咽膈不利痰涎壅嗽眼赤

臉腫腮項結核腫癰毒聚遍身風疹瘡毒赤癩及瘡癩已出未出不

能快透並皆治療小兒疹痘欲出已出熱尚未解急進此藥三四服

快透消毒應手神効

鼠粘子 四錢 荆芥 微炒 甘草 各一錢 防風 去芦

一方加黃芩一錢 犀角 鎊五分如無以升麻代之

右用水一鍾煎至半鍾溫服

牛黃丸 聖惠方 治小兒心經積熱兩頰紅如塗胭脂手足常熱口乾燥

上焦熱壅

牛黃 一錢 天竺黃 二錢 鬱金 三錢 大梔子 四錢

右除牛黃天竺黃二味另研外再同四味研極細煉蜜為丸一周兒

黃米大服三十九乳下三歲小兒菉豆大服三十九薄荷湯下

導小赤散 錢氏方 治大人小兒心經內虛邪熱相乘煩燥悶亂傳流下

部小便赤澁淋閉臍下滿痛

生地黃 木通 甘草 各二錢 一方加黃芩 二錢

右用水一鍾竹葉十片煎至半鍾溫服

大連翹飲 活幼方 治小兒心經邪熱心與小腸受盛乃水竇之處常宜

通利壅則結滑則脫熱則澁盛則淋平涼心火三焦自順不待疾作

而解證成而療者疎急有之矣一十五味加湯使用纔覺蘊熱客熱寒邪風邪胃入肺經心將受之心不受觸傳于小腸或閉或泄或赤或白淋瀝不通榮衛不順壅之作疾其發多端以至膈熱眼目腫赤唇口白瘡津液不生嘔唾稠盛須在表裏俱得其宜驚風悉能散之痰熱亦自消除連翹之功可謂大矣

連翹

瞿麥穗

滑石

車前子

牛旁子

赤芍藥各八分

山梔子

木通

川當歸

防風各四分

黃芩一分錢

柴胡

甘草各一分錢

荊芥穗一分錢

蟬退半錢

右用水一鍾半竹葉十片燈心十莖煎至一鍾服無時

天一丸

韓飛霞方

治小兒百病

燈心

用十斤以米泔漿洗晒乾研末入水澄之浮者為心取出入藥二兩五錢沉者乃米粉不用

赤茯苓

去後兼用茯苓神去木五兩

滑石

水飛過五兩

猪苓

去皮五兩

澤瀉

去麩三兩

人參

一斤去芦切片煮濃湯去渣漚爭煉成膏如飴糖可以入藥

一方人參六兩白朮六兩甘草四兩同熬膏亦妙

右燈心等五味各足分兩為細末以人參膏和成丸如圓眼大硃砂為末貼金箔任病換引大段小兒生理本天一生水之妙凡治病以水道通利為捷徑也

○廣按小兒陰不能配陽血不能配氣故九疾作皆屬火韓先生定此方清心而利小便正所以散火也凡小兒蘊熱丹毒驚風痰熱變蒸發熱之症用此最當而嘔吐瀉痢諸症無不治也

人參生犀散

解時氣寒壅咳嗽痰喘心忪驚悸臟腑或秘或瀉及一切風熱

前胡七錢

杏仁去皮尖

桔梗各二錢

人參三錢

甘草

多二錢

右每服三錢水一鍾煎半鍾食後溫服

蘊熱

天竺黃散 涼膈退潮熱

天竺黃 七分 大黃

蟬蛻 各三分 白殭蚕 二分 川羌活

全蝎 去毒 甘草 各五分

右為細末每服一錢麥門冬煎湯調下

辰砂湯 退虛熱和胃進飲食去心驚邪熱

白芍藥 人參 甘草 各一錢 茯苓 一錢 硃砂 五分

石蓮肉 五錢

右為末次入硃砂研勻每服五分薄苛湯調服

甘露飲 解五毒治煩熱

寒水石 石膏 各一兩 甘草 半兩

右為末如解諸毒氣用生薑自然汁調服傷寒時氣作熱發狂新汲

水滴薑汁調服

瀉青丸 錢氏方 治小兒肝經風熱目赤腫痛

當歸 龍膽草 川芎 山梔子 大黃 濕紙

羌活 防風 各二錢半

右為末煉蜜丸如雞頭大竹葉沙糖湯化下一丸

三黃丸 全嬰方 治小兒諸熱兼治身黃黃疸衄血便血

黃芩 黃連 去須 大黃 各一錢半

右為末滴水為丸茶清下三五丸

地膚子湯 千金方 治小兒熱毒入膀胱中忽患小便不通欲便則澀痛

不出出少瘀血須臾復出

地膚子 瞿麥 知母 黃芩 枳實

升麻 葵子 猪苓 各六分 海藻 橘皮

通草 各三分 大黃 一錢八分

瀉熱

右用水一盞煎至半盞去粗溫服

石菖散 活幼方 治小兒熱淋沙淋石淋

石菖 海金沙 木通 滑石 各一錢

右用水一盞煎至半盞去粗不拘時溫服

八正散 治小兒心經蘊熱藏腑秘結小便淋澀 方見火類

梔子仁散 湯氏方 治小便不通心神煩熱

梔子仁 五枚 茅根 冬葵根 各半 甘草 各二錢半

右為末每服二錢煎服

勻氣散 御藥院方 治小兒脾肺氣逆喘嗽面浮膏膈痞悶小便不利

桑白皮 二兩 陳皮 去白一兩 桔梗 炒一兩 甘草 炙一兩 薤香葉 半兩

木通 四兩 赤茯苓 去皮一兩

右吹咀每服二錢水一盞姜二片煎半盞溫服

○中惡天吊 新增

附諸方

蘇合香丸 和濟方 治小兒卒中惡毒心腹刺痛 方見氣滯

辟邪膏 楊氏方 治小兒卒中惡毒心腹刺痛悶亂欲死九腹大而滿診

其脉緊細而微者生緊大而浮則死急服蘇合香丸再以皂角末搗

鼻次服沉香降氣湯加入參茯苓不愈進以辟邪膏無不效者客忤

亦可服

降真香 白膠香 沉香 虎頭骨 鬼臼

龍膽草 人參 茯苓 各半兩

右為末入雄黃半兩射香一錢煉蜜為丸乳香湯化下及令兒帶燒

臥內尤妙

沉香降氣湯 方見氣滯

九龍控涎散 湯氏方 治小兒蘊熱痰壅經絡頭目仰視名為天吊

滴乳香 一錢 別研 天竺黃 二錢 半 雄黃 二錢 別研 腊茶 二錢 白礬 一錢 煨

甘草 二錢 炙 荆芥穗 一錢 炒 菘豆 一百粒 半 生半炒 赤脚蜈蚣 一條 酒浸炙

右為末每服半錢至一錢煎人參薄荷湯下

釣藤散 湯氏方 治小兒天吊潮熱

釣藤 去芦 人參 去芦 犀角屑 各半 兩 全蝎 二錢 半 甘草 炙 一分 半

天麻 二錢 半

右為末每服一錢煎至半盞溫服

牛黃膏 治小兒風癇迷悶抽掣涎潮

牛膽南星 依前製 全蝎 去毒 炒 蝉蜕 去足 各一錢 半 炒 僵蚕 去絲 嘴 炒

白附子 防風 天麻 煨 各一錢 半

右為細末蒸棗去皮核取肉研為丸如小豆大用荆芥生薑同煎

湯研化食遠服

斷癇丹 揚氏方 治癇即愈而復作者

黃耆 蜜塗 炙 釣藤 釣子 一細辛 去苗 葉 甘草 炙 各半 兩 蛇退 三寸 酒炙

蟬殼 四箇 去土 牛黃 一字 別研

右為末棗肉為丸如麻子大煎人參湯下一歲十九大小加減用

細辛大黃湯 湯氏方 治風癇熱癇

細辛 去苗 上 大黃 炮 防風 去芦 各一兩 甘草 炙 二錢 半

右咬咀每服二錢水半盞加犀角屑少許煎服

竹瀝膏 湯氏方 治小兒諸癇

白朮 蜜炒 二錢 半 大附子 去皮 臍 犀角 鎊末 各一錢 厚朴 甘草水煮 焙 乾 二錢 半

全蝎 七箇 每一箇用大葉薄荷裹湯 泡麻黃令軟纏定慢火炙黃色

右為末取竹瀝為膏丸黑豆大每服用金錢薄荷湯化下一丸隨兒

大小加減

至寶丹 錢氏方 治諸癇急驚卒中客忤並宜服之

安息香 一兩半為末無灰酒飛過濾過沙石約取一兩慢火熬成膏入藥內用

硃砂 雄黃各一兩 研水飛銀箔五十片 研 龍腦

牛黃 各研 生烏犀角 生玳瑁 硝 各一兩

右生犀玳瑁搗羅為細末入餘藥令勻將安息香膏以重湯煮凝成

和搜為劑如乾即入少熟蜜丸如梧子大二歲服二丸人參湯化下

大小量意加減

一方 醫方集成 治小兒癩癇及婦人心風諸疾

用甘遂末一錢猪心一箇取三管頭血三條和甘遂末將猪心批作

兩半以藥入在內用綿縛定以皮紙包裹水濕入文武火內煨熟不

可過度除紙以藥細研辰砂末一錢和勻分作四丸每服一丸猪心煎

湯化下再服別取猪心煎湯此方神效

龍腦地黃膏 宣明方 治小兒急慢驚風痰涎上潮心啞天吊驚纏喉

風小兒胸膈不利一切熱毒大有神效如病不愈與分肢散一二服

吐利得快常服此藥

川大黃 別搗 甘草 各半兩 別搗 雄黃 以水窟者 射香 一錢 別研 生腦子 一錢 別研

右五味各製了再入乳鉢內同細煉蜜為膏油單裹如有前病煎

薄荷湯下旋丸如皂子大化下小兒大人睡驚及心神恍惚煎金

銀湯下一丸常服新汲水下大暑時暑毒如孕婦人常服永生男女永

無疾病如有大人陽毒傷寒加牛粉子 龍腦許水化下一丸杏核

大小兒看年紀大小加減服立效

分肢散 宣明方 治小兒卒風大人眼啞斜風涎裹心驚癇天吊走馬

喉閉急驚一切風熱等疾

芭豆半兩不 川大黃一兩 朴硝半兩

右大黃為末後入芭豆霜朴硝一處細研用油單貼起如有前患每服半錢熱茶下吐下頑涎立愈如小兒育喉驚吊等先服龍腦地黃膏一服次服此藥一字茶下時上吐下瀉微瀉以吐利得快為效大人半錢小兒一字看虛實加減只是二服見效不宜頻服如吐瀉不定以葱白湯立效

○急慢驚風新增

附諸丸

牛黃清心丸 治小兒諸病狂亂驚癇痰涎壅塞精神昏憤 見中風一方 治小兒口禁牙關不開諸病不效者

用天南星末一錢腦子少許研勻用紙蘸生姜自然汁溫藥於左右大牙根上搽之便開

金箔鎮心丸 和劑方 治風痰壅熱心神恍惚急驚搐搦

紫荷車黑豆水煮

山藥一兩

甘草五錢

牙硝一錢

人參五錢 射香研半錢

金箔十二片為衣 龍腦一錢

茯苓五錢

朱砂研飛

右為末煉蜜成劑每兩作五十九丸以金箔為衣每服一丸薄苛化湯下常服安心止驚散邪涼膈

抱龍丸 抱龍之義抱者保也龍者肝也肝應東方青龍木木生火謂

生我者父母也所為母心為子母安則子安况心藏神肝藏魂神魂

既定驚從何生故曰抱龍丸理嬰孩諸驚四時瘟疫邪熱以致煩燥

不寧痰嗽氣急瘡疹欲出發搐並宜投此其藥性溫平不僭不燥常

服驅風化痰鎮心解熱和脾胃益精神

琥珀

人參

天竺黃

檀香

白茯苓各七錢半

驚風

甘草炙一兩 枳殼麩炒 枳實麩炒各五錢 辰砂水飛二兩半 白山藥八兩

牛膽南星炒五錢 金箔五十片

右各味為細末和勻取新汲水丸如次實大陰乾用葱白煎湯或薄苛湯痰壅嗽甚姜湯調化服

南星膏 治小兒精神不定恍惚不寧恐畏多哭常服去風退熱消痰鎮心除百病

牛膽南星膽母黃牛膽將南星研和汁盛 人參

白朮 山藥 白茯苓 茯神去木 羌活

甘草炙各三錢 白殭蚕去嘴 全蝎去毒薄苛汁 辰砂二錢水飛別研

射香一字

右為細末入辰砂射香研勻煉蜜丸如茨實只大金箔為衣薄苛湯調化食後服

天麻丸湯氏方 治急驚風四肢拘急壯熱口噤

天麻 雄黃 烏蛇肉 蟬殼 乾蝎

射香細研 天竺黃細研 桂心 天南星 白附子

膩粉 白芷 半夏湯泡七次各一分

右為末者棗肉丸如菉豆大每服三五丸薄苛酒送下

珍珠丸全嬰方 治小兒急驚風發搐涎潮壯熱及痰嗽壅塞肚腹脹硬

白附子一錢炮 滑石一錢 巴豆十五粒去油 輕粉一錢 天南星一錢製

右為末麵糊丸如菉豆大三歲一二丸葱白湯送下一方加蝎尾半錢炒

牛黃奪命散按萃方 治小兒肺脹喘滿膏高氣急兩脇扇動陷下作坑

兩鼻竅張悶亂嗽渴聲啞不鳴痰涎潮塞俗云馬脾風若不急治

死在朝夕

白牽牛 半生 黑牽牛 半生半熟 川大黃 二兩 枳柳 半兩

廣木香 三錢

右為一處研作細末入輕粉少許每服二錢用蜜水或漿水調下不拘時候微利為度

驅風膏 全嬰方 治小兒肝風筋脉拘急面赤目青眼敬驚搐連劄及胎風

辰砂 蝎尾 炒 當歸 草龍膽 川芎

山梔子 川大黃 羌活 防風 去芦 甘草 各一錢

右為末入射香少許煉沙糖丸如雞頭子大三歲一丸薄許竹葉蜜湯化下

瀉青丸 聖惠方 治小兒肝臟實熱手尋衣領亂捻物目直視不搐得心熱則搐身反折強直目連劄或目內青或臟腑殮泄諸藥不止脾

虛肝盛者 見丹毒

○廣按已上二方皆瀉肝經風熱之劑也夫小兒肝常有餘脾常不足故急驚風乃肝氣有餘宜用瀉青丸之類瀉之慢驚風乃脾氣不足宜用醒脾散之類補之

大効疎風散 活幼方 治嬰孩小兒驚熱痰風四證聚結於胸臆之間令

兒昏困沉重關竅不通諸脉氣閉所以默默欲食不食欲起不起倦伏不知其證候者但不經吐利宜與服之立見甦省

錦文大黃 一錢 鷄心枳柳 一錢 朴硝 半錢
黑牽牛 七分半 炒熟 陳橘皮 去白一錢

紅綿散 湯氏方 治夾驚傷寒 右為末三歲兒服半錢蜜少許薄許湯調下看大小加減服之

麻黃 去節 全蝎 炒 甘草 炙 天麻 大黃 濕布 裹煨

驚風

白附子

蘇木

炒各等分

右為末每服一錢水半盞煎服

全蝎觀音散

治慢驚慢驚者日久吐瀉而脾胃先虛脾胃與肝母子

也母虛亦令子寒二經俱虛則生頑涎頑涎者脾肺所出也涎則溢

流在於咽喉如水雞之聲時復瘦瘵是也此方主之

全蝎

去毒十箇炒

天麻

防風

白芷

密炙

甘草

茯苓

各二錢半

人參

白綿豆

姜汁去皮炒二錢半

右為細末用棗肉煎湯調勻不拘時候

烏蝎四君子湯

治小兒慢驚慢脾風吐瀉不止

人參

白朮

茯苓

甘草

川烏

去皮尖炮

全蝎

去毒炒各等分

右咬咀姜三片棗一枚去核同煎食前服

理中湯

治小兒吐瀉手足厥冷加附子名附子理中湯四陽

方見中寒

八仙散

湯氏方

治慢驚虛風

天麻

白附子

花蛇肉

防風

南星

炮

半夏麴

冬瓜子

全蝎

各等分

右咬咀每服一錢水半盞薑棗薄煎服加川烏尤妙

釀乳法

湯氏方

治慢驚睡多驚啼凡面黃脉細者難治

人參

木香

藿香

沉香

陳皮

神麴

麥蘖

各等分

丁香

減半

右咬咀每服四錢水一碗姜十片紫蘇十葉棗三枚砂瓶內煮至半

碗乳母食後捏妳汁服之即便臥霎時令藥入乳之絡次令兒吮不

可過飽亦良法也

吉州醒脾散 湯氏方

人參 去芦

橘紅

甘草 炙

白朮

白茯苓

全蝎 各半

木香

半夏 麩各二

白附子 四箇

南星 一箇

陳倉米 二百粒

右為末每服一錢水半盞姜三片棗三枚煎服

木附湯 幼幼方 治慢脾風身弓髮直吐乳貪睡汗流不已

大附子 一箇

白朮 煨一兩

木香 半兩

肉豆蔻 一箇

甘草 半兩

右吹咀每服二錢水半盞姜三片棗三枚煎服

○廣按此方用附子不必疑蓋小兒慢驚風皆由吐瀉後脾氣大虛時作瘈瘲非若急驚搐搦之緊猛也此方溫寒燥濕行氣健脾適合其宜

神效萬金丹 瑞竹堂方 治小兒慢驚風急驚風十無一失

硃砂 研細末 真輕粉 研細末

右二味各等分不以多少用青蒿內虫兒取出於淨磁盞內將硃砂輕粉以虫汁就成丸如黃米大量兒大小加減服之半歲一歲小兒服一九乳汁送下如取虫時法止於七月初五日取蒿虫則靈驗一方 治急慢驚風神效

硃砂 一分 輕粉 一分 姜蚕 七箇 全蝎 三箇去毒炒

右為細末用人乳汁調服 詩曰七箇姜蚕三箇蝎一粒硃砂一片

雪不論急風與慢風用時須用生人血

天麻防風丸 和劑方 治一切驚風壯熱痰盛驚怖

姜蚕 白死者去絲 嘴炒半兩 天麻 煨 防風 人參 各一兩

牛黃 一錢 全蝎 去毒炒 朱砂 雄黃 射香 各一錢

甘草 炙二兩

驚風

右為末煉蜜丸如梧桐子大每服三九薄荷湯化下

大天南星丸 和劑方 治小兒急慢驚風延潮發搐目睛上視

天南星 牛膽製 半兩 硃砂 三錢 別研 腦子 人參

乳香 各半兩 別研 全蝎 十四箇 去毒炒 射香 一錢 半 牛黃 天麻

防風 各二錢 半

右為末煉蜜丸如雞頭大每服一九荆芥薄荷湯下

奪命散 湯氏方 治急慢驚風痰潮壅盛滯塞於咽喉間命在頃臾服此

藥者無有不愈

青礞石 一兩入沙鍋內同煅硝一兩用白灰火煨令通

右為末急驚風痰發熱者薄荷自然汁入蜜調服慢驚脾虛者以青

州白丸子再碾煎稀糊入熟蜜調下神效青州白丸子 方見中風

抱龍丸 治痰嗽驚風時作潮熱

牛膽南星 兩 天竺黃 半兩 雄黃 辰砂 各二錢 半 射香 一錢 別研

右為末煉蜜丸如芡實大甘草薄荷湯化下 九

生珠膏 切切方 治急慢驚風

天麻 二錢 半 硃砂 二錢 姜蚕 二錢 白附子 煨二錢 全蝎 二十箇

黑附子 二錢 煨 射香 半字 蜈蚣 一條 酒浸 南星 一錢 半煨 花蛇 酒浸炙 乾二錢

右為末和勻煉蜜丸如雞頭大每服一九金銀箔薄荷湯化下

○廣按用附子者熱則流通痰火之理也

大青膏 錢氏方

全蝎尾 去毒生 半錢 硃砂 研一錢 青黛 一錢 研 天麻 一錢

天竺黃 一字 白附子 生一錢 半 射香 一字 烏梢蛇肉 酒浸焙乾 取末半錢

右為末蜜和成膏每服一九如皂角子大同牛黃膏溫薄荷湯化一

處服之五歲以上同甘露散服 方見中暑

牛黃膏 聖惠方 治小兒驚風作熱涼膈鎮心除咳嗽止煩熱

甘草末 二錢 桂黃 一錢 川甜硝 半二錢 菘豆粉 半兩

寒水石 生一錢 別研 片腦 二錢 鬱金末 一錢

右研勻煉蜜和成膏薄荷水化半皂角子人食後

辰砂保命丹 秘方

射香 一錢 南星 炒 白附子 炮 硃砂 各半

蛇含石 四兩 煨七次用米醋淬後用瓦焙

右件為末用端午粽尖為定人用金箔點號若急驚薄荷湯下慢驚荆

芥湯化下熱驚薄荷湯下風驚荆芥湯下

備急丸 應驗方 治急慢驚風

右以五月五日取地龍數條用竹刀分中截作兩段看地龍跳得急

者慢者各另處研爛用硃砂末同研和勻得所九如小菘豆大急

驚用急跳者慢驚周慢跳者用金錢薄荷湯送下量大小加九數如

合藥後分明寫記急慢各另包裹枚頓

愈風丹 儒門事親方 王景頴用 治大人小兒一切諸風

芍藥 川芎 白殭蚕 炒 桔梗 細辛 去葉

羌活 各半 麻黃 去節 防風 去芦 白芷 天麻

全蝎 各一兩 甘草 三錢 天南星 半兩 姜製 硃砂 半兩 為衣

右為細末煉蜜為丸如彈子大每服一丸細嚼茶酒任下

全蝎散 直指方 治小兒驚風

人參 陳皮 各一錢 全蝎 炙三錢 甘草 炙半錢 南星 濕紙裹煨三錢

右咬咀每服一錢水半鍾紫蘇姜棗煎服有熱加防風

硃砂丸 宣明方 治小兒急慢驚風及風熱生涎咽喉不利取驚積

硃砂 天南星 芭豆霜 各半錢

驚風

右為末麵糊和丸黍粒大者病虛實大小每服二九或天吊戴上海服四五九薄苛水下立愈

珍珠丸 宣明方 治小兒虛中積熱驚癇等疾

芭豆霜

膩粉 二錢

滑石 三錢

天南星

粉霜 各一錢半

蝎稍

續隨子 去皮各二

右為末研令極細以糯粥為丸如黃米大小兒二歲以下每服三九

至五九十五歲每服五九至十九歲茶湯下荆芥湯亦得量虛實加減

祛風羌活散 散風邪止驚搐退肌熱

羌活

粉草

天麻

茯苓

川芎 二錢

荆芥穗

白殭蚕 炒

白朮

白附子 炮各

桔梗 二錢半

防風 一錢半

全蝎 半錢去刺炒

硃砂 五分

天南星 一字炮熟

右為細末薄苛湯調下 加傷風鼻塞流涕葱白湯下 喘嗽氣

促桑白皮湯調下 若常服白湯亦可

真珠天麻丸 驚風痰熱壅盛及撮口

南星 炮

天麻 炮

白附子 炮各

巴豆霜 十七粒去油

全蝎 炮

滑石 一錢半

防風

半夏 姜汁炒各一錢

右為細末麵糊丸如小豆大百草霜為衣每服五六十丸淡姜湯下

至聖保命丹 胎驚吊腹自上視手足抽掣角弓反張痰盛急慢驚風

全蝎 十四枚去毒

防風 五錢

白附子 炮

南星 炮

蟬蛻 去上

殭蚕 直者各一兩

天麻 五錢

硃砂

射香 各一錢

金箔 十片

右為末後入硃砂射香和勻以粳米餅為丸如芡實大每服一九金

錢薄苛煎湯化下急者二九

青珠丸 急慢驚風痰熱往來

天麻

半夏

南星

白附子

川烏 各一錢

乾蝎頭尾全

姜蚕七枚

青黛一錢

羌活二錢

硃砂一錢

右用研入巴豆七粒去油研勻麩糊為丸如黍米大每服五丸金錢

薄苛湯下 如驚睡瀉得青色是驚積白色是疳積赤色是熱積

安神散 治搐搦

用全蝎四箇塘水浸一宿南星大者一箇開一穴入蝎在內以南星末蓋其口用麵裹火煨令赤色取出放地坑土宿去南星用蝎為末每服一字磨刀水調下

犀角散 虛風有涎胃氣弱或吐乳喉中作聲

酸棗仁

麥門冬去心 人參

白附子

茯苓去皮各二錢

硃砂一錢

右為細末每服半錢磨犀角湯下日二服此藥壓驚退熱安心定神睡驚丸和劑方治心蘊邪熱怔忡不安睡中驚啼風痰壅盛

茯苓去皮

鉄粉

蛇黃煨醋

南星炮

史君子去心久

腦子半兩

右為末糯米糊丸如皂莢子大朱砂為衣薄苛湯調下

安神丹御藥院方治小兒心神不寧因臥多驚痰涎壅盛

硃砂二錢

人參二錢

乳香半兩各

酸棗仁炒去皮

遠志去心

右為末蜜丸如榛子大金箔為衣每服一九人參湯化下

寧眠散御藥院方治小兒風痰搐搦夜臥多驚

天南星炮製 人參去芦

白附子炮各 乾蝎二十箇

乾赤頭蜈蚣一條酒浸

乳香 血竭各二錢

右為末每服一字用水酒少許浸薄苛酒下

寧心膏全嬰方治小兒精神不定恍惚不寧恐畏多哭如人將捕眠睡

驚風常服鎮心除百病

人參去芦

白朮

白茯苓去皮

茯神

山藥

羌活

甘草各一錢

硃砂二錢

腦麝各一字

右為末煉蜜九如雞頭大一歲一丸薄粥湯化下

○五疳五軟新增

附諸方

蘆薈丸湯氏方治脾胃積熱遂成疳疾宜服此藥

黃連去鬚

龍膽草

益黃

各一兩去皮先炒黃色次入前藥一處炒赤色

右各件為末別入蘆薈末二錢半和勻飯飲丸如黍米大隨大人加

減空心米湯下

驚甲散湯氏方治疳勞骨蒸

驚甲九肋者沸湯浸洗用童子小便塗灸

黃芩蜜炙

白芍藥各一兩生熟地黃

當歸去芦洗

人參去芦各半兩

地骨皮半兩

右吹咀每服二錢水半盞煎服

猪肚丸湯氏方治骨蒸疳癆肌體黃瘦

木香半兩

宣黃連

生地黄

銀州柴胡

驚甲九肋者沸湯浸洗令爭次用童子小便塗灸

青皮各一兩

右為末猪肚一枚入藥於內麻繩纏定於沙鉢內懸泡煮熟取出細

研肚子為丸如麻子大米飲下大小加減不拘時

大胡黃連丸湯氏方治驚疳腹脹虫動多睡肌體黃瘦五心煩熱

胡黃連

黃連

苦練子各一兩

白蕪荑去皮半兩炒

乾蟾頭二錢半燒存性

蘆薈二錢半

射香二錢

青黛一兩半

右將前四味為末猪膽汁和為劑每一胡桃大入巴豆仁一枚在內却用油單紙一層裹之蒸熟又入後四味麵糊丸如麻子大每服十

四五丸清米飲下食後臥時日三服

龍膽丸 和劑方治小兒疳發熱

龍膽草 去芦 黃連 青皮 史君子 去核各一錢

右為末猪膽汁丸如蘿蔔子大每服二十九以意加減臨臥溫水下

胡黃連丸 直指方治小兒熱疳

胡黃連 川黃連 各半 硃砂 二錢半

右為末入猪膽內繫定虛懸於鈔中煮一時又取出入蘆薈青黛各

二錢半去足蝦蟆灰二錢射香少許粳米飲丸如麻子大每服十九

米飲湯下

蘆薈丸 陳氏方治小兒五疳

蘆薈 蘇莢 去皮 青黛 各二錢半 真射香 少許 檳榔

宣連 各二錢半 胡黃連 半兩 積猪膽 一箇 蟬殼 二十箇

右為末猪膽丸如麻子大每服五十九飯飲吞下

肥兒丸 和劑方治小兒疳病夫小兒疳病者多因關乳喫食太早以致

脾胃受傷虛而生濕濕而生熱濕熱太甚所以生虫日漸羸瘦腹大

髮堅不能行步面黃口臭發熱面無精采此藥殺虫退熱進食

神麩 炒 黃連 各一兩 麥蘖 炒 肉苳菟 煨

史君子肉 各半兩 檳榔 木香 各二錢

右為細末猪膽汁并麵糊為丸如粟米大每服四五十丸用米湯送

下食前

疳丸 瑞竹堂方治小兒陰陽不和臟腑怯弱乳食不消心腹脹滿嘔

逆氣急或腸鳴泄瀉頻併腹中冷痛食癥乳癖疰氣痞結積聚腸胃

或秘或痢頭面浮腫不思乳食及療五種疳疾八種痢疾肌肉消瘦

氣羸腹大神色昏憤情意不樂常服散冷熱氣調和臟腑進飲食生

肌肉悅顏色功效非常不能盡述

蘿蔔子

一兩微炒

陳皮

去白

青皮

去白

三稜

炮

蓬朮

炮各半兩

黑牽牛

七錢半半生半熟

胡椒

二錢半

木香

一錢半分二

右為末麩糊和丸如菉豆大空心用蘿蔔子煎湯送下或生姜湯亦可量兒大小加減丸數

○廣按此藥緊峻去病有功病退則已不可過服恐傷正氣

蘆薈丸

和劑方

治疳氣羸瘦面色萎黃腹脇脹滿頭髮作穗揉鼻咬甲

好喫泥土利色無定寒熱往來目澀口臭齒齦黑爛常服長肌肉退

黃殺疳虫進食

大皂角

乾蝦蟇

已上等分同燒存性為末一兩入下項藥

青黛

二錢半

蘆薈

硃砂

射香

各錢

右研勻湯浸蒸餅和丸如麻子大每三歲兒服二十九不計時米湯

下量大小加減服

史君子丸

和劑方

治小兒五疳脾胃不和心腹膨脹時復疔痛不進飲食漸致羸瘦並宜服之

史君子

去皮一兩

厚朴

製

陳皮

去白

川芎

各二錢半

右為末煉蜜為丸如皂子大三歲一丸陳米飲化下

○廣按此方用藥平和可以久服

六神丸

全嬰方

治小兒疳氣消瘦臟腑怯弱泄瀉虛滑乳食減少飲食

無度心腹脹滿

木香

丁香

肉豆蔻

麩裹

訶子

炮去核

史君子

炮去皮各半兩

蘆薈

一兩

右為末棗肉和丸如菉豆大三歲三十九米湯下

○廣按疳本濕熱宜用苦寒藥今此方用苦溫藥何也殊不知疳久

泄瀉虛滑則為濕寒宜用苦溫藥本草云苦寒去濕熱苦溫去濕寒是也

大蘆薈丸發明 治疳殺虫和胃止瀉

胡黃連 黃連 蘆薈研 木香 白蕪荑

雷丸 青皮去白 鶴虱微炒各半兩

右為細末粟米飯和丸如菘豆大米湯送下二十九無時

集聖丸 治小兒疳病通用

蘆薈 五靈脂 好夜明砂焙 砂仁 陳皮

青皮 莪朮煨 木香 史君子煨各二錢 黃連

蝦蟇乾炙焦各三分

右為末用雄豬膽二枚取汁和藥入糕糊丸麻子大每服十五丸米

飲送下

大蘆薈丸 治諸疳

蘆薈 木香 青黛 枳榔

黃連炒各二錢半 蟬殼二枚 胡黃連半兩 射香少許

右為末豬膽汁二枚取汁浸糕為丸麻子大每服二十九米飲下

黃連丸 治疳疾

黃連半兩 蕪荑去皮 史君子去殼半兩洗淨研

右為末用雄豬膽丸如菘豆大每服二十九米飲空心送下

蘆薈丸 治疳殺虫

蘆薈半兩 史君子焙 三稜生 石榴皮焙 草龍膽生各五分

苦練根焙少許

右為細末麵糊丸如蘿蔔子大每服五丸量大小加減米飲送下疳

熱麥門冬湯下

布袋丸 治諸疳疾面黃腹大飲食不潤肌膚

夜明沙 揀淨

蕪荑 炒去皮

史君子

肥白者微炒去皮各二兩

白茯苓

去皮

白木

無油者去芦 人參 去芦

甘草

芦薈

細研各半兩

右為細末湯浸蒸餅和丸如彈子大每用一九以生絹袋盛之次用精猪肉二兩同藥一處煮候肉熟爛提取藥於當風處懸掛將所煮肉并汁令小兒食之所懸之藥第二日仍依前法煮食只待藥盡為度

六神丸 治諸疳

木香

濕紙暴煨

黃連

去鬚

神麩

川練子肉

蕪荑

麥蘖

炒各等分

右為細末以雄猪膽蒸熟為丸如麻子大每服三四十九量大小加減米飲送下

肥兒丸

疳病蒸熱腹脇脹滿面色萎黃飲食遲化大小便澀滯

麥蘖 炒

川黃連

大蕪荑

神麩 炒

胡黃連

各半兩

右為末以雄猪膽汁丸如麻子大每服三十九食前米飲送下乳母忌食酒麵生冷

如聖丸

冷熱瘧瀉

胡黃連

川黃連

蕪荑

史君子

各一兩去皮

射香

五分研

乾蝦蟆

五箇剉碎酒熬成膏

右為末以蝦蟆膏子丸如麻子大每服一二十九入參湯送下
肉棗丸 疳疔而瘡侵入口鼻

用肉棗二枚去核入青礬如核大在內以火煨存性為末入射香少許清油調塗上

煮肝散

疳眼翳膜羞明不見物

夜明沙

蛤粉

穀精草

各一兩

右為末每服一錢五七歲以上二錢用雄猪膽如匙大一片批開糝藥在內攤勻以麻紮定米泔水半碗煮肝熟撈出肝傾湯碗內薰眼分肝作三次嚼食仍用肝湯熟下日三服不拘時如大人雀目空心服至夜便見物如患日久不效日作二服見効

小茸丸 幼幼方 治胎中受熱遍身筋軟

鹿茸 川牛膝 肉苁蓉 木瓜 杜仲

兔絲子 當歸 熟地黄 天麻 青鹽 各等分

右為末用煉蜜為丸如菘豆大鹽湯温酒化下皆可

羚羊角散 幼幼方 治小兒面紅唇白肌熱項軟

熟地黄 酒浸 白茯苓 羚羊角 豨薟仁 炒 虎脛骨 酒炙

肉桂 防風 甘草 各等分

右為末温酒鹽湯化下皆可

羚羊角丸 楊氏方 治小兒五六歲骨氣虛筋脉弱不能行者

羚羊角屑 白茯苓 去皮 防風 去芦 虎脛骨 塗醋炙黃 酸棗仁 炒

生苳 各半 黃芪 桂心 當歸 炒各二錢半

右為末煉蜜丸如菘豆大食前以温酒研破三五丸服之一月漸

即可行也

○吐瀉痢瘡 新增

附諸方

觀音散 和劑方 治小兒外感風冷內傷飲食嘔逆吐瀉不進乳食

石蓮肉 炒去心 白匾豆 一錢 茯苓 一錢 人參 一兩

神麩 炒二錢 白芷 綿黃芪 木香 甘草 各一錢

全蝎觀音散 和劑方 治小兒外感風冷內傷飲食脾胃受傷嘔逆吐瀉

不進乳食久則漸羸瘦天抵脾虛則瀉胃虛則吐脾胃俱虛吐瀉

吐瀉

不已此藥大能溫養脾胃進飲食及治吐瀉致虛將成驚風

石蓮肉

人參去芦

白扁豆

各一錢二分半

全蝎炒

天麻

木香

甘草

炙去皮

羌活

防風

去芦

白芷

黃芪

各半錢

神麩

一錢

白茯苓

去皮七分半

右為末每二錢乳汁調服或吐瀉每服五錢用水一盞棗子煎服

人參白朮散

錢氏方

治小兒脾胃久虛嘔吐泄瀉頓併不止津液枯竭發熱煩渴多燥但欲飲水乳食不進羸困失治變成風癩不問陰陽

虛實並宜服之

人參

去芦

白朮

白茯苓

去皮

木香

藿香

去土

甘草

各五分

乾葛

一錢

右咬咀用水一盞煎至半盞去滓溫服

異功散

錢氏方

溫中和氣治吐瀉不思食凡治小兒虛冷病先與數服

以正其氣

人參

去芦

白朮

白茯苓

去皮

甘草

炙去皮

橘紅

各一錢

右用水二盞生姜三片棗子一枚煎至七分去滓溫服

醒脾散

集成

治小兒吐瀉不止痰作驚風脾困昏沉默默不食

木香

天麻

人參

去芦

白茯苓

去皮

白朮

甘草

炒

白僵蚕

炒

白附子

各半錢

全蝎

二分半炒

右用水一盞生姜三片棗子一枚煎至七分去滓溫服

辰砂益原散

應驗方

治小兒中暑吐瀉小便赤少夜臥不寧心煩作渴

常服寧心解熱

益原散

一兩

辰砂

一錢半

右研勻每服五錢用燈心竹葉湯調服如嘔吐生姜湯調服

黃連香薷飲

全嬰方

治小兒陰陽不順清濁相干霍亂吐瀉體熱煩

吐瀉

燥昏胃多渴

厚朴 去皮姜製一錢五分

黃連 二味與生姜汁拌炒作紫色七分半 香薷 三錢

右以且一服用水一盞酒半盞煎至七分去滓水中頓冷服

一方加白匾豆 炒七分半

黃龍丸 全嬰方 治小兒中暑吐瀉胃悶煩渴昏迷身熱有痰

半夏 二兩米醋半升煮乾

白茯苓 甘草 各半兩

右為末生姜汁煮麵糊為丸如小豆大每服二十九煎生姜灯心湯

送下量大小加減丸數

五苓散 全嬰方 治大人小兒中暑伏熱煩渴身熱頭痛霍亂吐瀉小便

赤少心神恍惚

澤瀉 一錢 白木 一錢五分 猪苓 一錢 肉桂 一錢 赤茯苓 一錢半

右為細末每服一錢熱湯調下不拘時服加辰砂名辰砂五苓散去

辰砂加生料平胃散用蒼朮橘皮甘草厚朴二方共一處生姜東子

同煎名胃苓散

香朴飲子 集成 治小兒伏熱吐瀉虛煩悶亂如發驚壯

人參 去芦 白茯苓 去皮 甘草 炙去 紫蘇 木瓜

澤瀉 香薷 半夏麴 白匾豆 陳皮 去白

烏梅 厚朴 各四分

右用水一盞煎至七分去滓溫服

玉露散 一名甘露散 治小兒中暑昏迷煩渴不止心燥體熱頭疼或伏

熱吐瀉亦作傷風體熱煩渴

石膏 寒水石 各一兩 甘草 半兩

右為細末每服五錢灯心湯調下暑熱冷水下吐不止生姜湯下

人參散 宣明方 治小兒虛熱煩渴吐瀉煩渴不止

吐瀉

人參一兩

茯苓二兩

生犀

桔梗各二錢半

甘草

乾葛各半兩

右為末每服用二大錢水一鍾加入灯心五莖同煎至六分温服無時煩渴者以新竹葉湯下量年紀加減服

內救散 調氣進食止瀉嘔

木香

人參

白朮

茯苓

甘草

茯神各等分

麝香

右為末每服一錢米飲調下

益黃散錢氏方 治脾胃虛寒嘔吐不止或泄瀉腹痛並皆治之

丁香四錢

不火

訶子

炮去核

青皮

去白各一兩

甘草炙

陳皮

去白二兩

右為末每服二錢水半盞煎食前服

藿香散經劑方 治小兒吐乳嘔逆身熱面青不進乳食

藿香一錢

丁香

人參

白朮

茯苓

神麩

扁豆各半錢

右為末每服半錢白湯調下一方用紫蘇木瓜湯調下

硃沉煎按萃方 治小兒嘔吐不止

硃砂二錢

沉香二錢

藿香二錢

滑石半兩

丁香

十四箇

右為細末每服半錢用新汲水一盞芝蔴油點成花子炒藥在上須臾墜瀝去水却用別水送下

助胃膏湯氏方 治小兒冷氣入胃嘔吐不已

白豆蔻十四箇

木香炮二錢

縮砂仁四十箇

乾山藥

一兩

肉豆蔻四箇

人參去節

白朮

白茯苓

甘草

炙各半兩

右為末每服一錢陳紫蘇木瓜湯調下一方煉蜜為丸如芡實大

一歲一九米湯調下

訶子湯湯氏方治臍寒泄瀉

訶子肉炮取

人參去芦

白茯苓去皮

白朮各一兩

木香炮

陳皮去白

甘草炙

肉豆蔻各半兩

右為末每服二錢水一盞姜三片煎半盞溫服寒甚者加附子

白朮丁香丸 水瀉脾虛飲食不進水穀不化

白朮

不油者二錢半泔水浸半日切焙

半夏一錢半湯炮七次

丁香半錢微炒

右為細末用生姜自然汁煮糊為丸如梧桐子大十歲上下可服二

十五九七八歲二十九五六歲十四五九二三歲十九週歲五七九

用姜湯或米湯無時送下一服不止日進二服新洩一服見效推瀉

三服即止

乳豆丸 應驗方治小兒傷冷泄瀉滑腸不禁面青腹痛

肉豆蔻麵裹煨三箇

乳香二錢

右為末麵糊為丸如菉豆大米湯下二十九

紫霜丸 治宿滯不化胸腹痞滿泄瀉如痢當以藥推利

杏仁五十箇去皮火別研

黛赭石火煨醋淬研一兩

芭豆去皮心膜油炒令紫黑三十粒

赤石脂末一兩

右研勻湯浸蒸餅丸如黍米大三歲以上服三九以乳汁或米飲下

玉餅子 吐瀉驚疳乳食不消肚脹潮熱咳嗽急慢驚風及痢疾

半夏大者十箇二箇 巴豆五十粒夫歲另研

滑石

寒食麪各一兩

右為末滴水丸如菉豆大捏作餅每服五七餅或八九餅或十一二

餅姜湯送下看大小加減一方加輕粉

木香檳榔丸 治小兒初得痢疾赤白相雜裏急後重 方見痢疾

○廣按小兒痢疾皆因感寒停積飲食所致初得一二日間元氣未虛宜用此丸與玉餅子分寒熱利之日子既久涉虛宜用香連丸

木香散之類和之繼用荳蔻香連丸水煮木香丸之數服之

香連丸 治冷熱不調下痢赤白裏急後重 方見痢疾

胃風湯 治風冷乘虛客干腸胃水穀不化泄瀉不利腸鳴疝痛或下

如豆汁或頓下瘀血 方見胃風

木香散 經濟方 治諸般瀉痢日久疝並皆治之

白木 用麩炒 麥芽 木香 人參 當歸

陳紅麩 各一錢同炒 茯苓 神麩 甘草

青皮 各二錢

右為末每服半錢或一錢白湯調下一方用紫蘇木瓜湯調下

荳蔻香連丸 和劑方 治小兒乳食不節腸胃虛弱冷熱之氣客於腸

間下痢赤白腹內疝痛日夜頻併不欲飲食

黃連 微炒二分 肉蔻 二箇麩裹煨 木香 半兩 丁香 二錢 訶子 炮去核半兩

右為細末粟米粥和丸黍米大每服三十九米湯下大小加減丸數

水煮木香丸 治下利赤白裏急後重

真人養臟湯 治冷熱不調下痢赤白或如膿血魚腦裏急後重臍腹

絞痛並皆治之 並見痢疾

木香散 湯氏方 治冷痢腹痛不食

木香 炮一錢半 厚朴 姜製半兩 白木 一錢半 龍骨 當歸 淨洗焙各半兩

乾姜 炮 訶子肉 各二錢半

石為末水半盞姜三片煎服隨大小加減

一方 治休息痢及疝瀉日久不能安者 湯氏方

用雞子一枚打破用黃臘一塊如指大銚內溶以雞子拌和炒熟空

心食之

赤石脂散 錢氏方 治回瀉痢後肛門不收

真赤石脂刷去土

伏龍肝各等分

右為末每用半錢傳腸頭上頻用

又方 治瀉痢後脫肛

用陳槐花不拘多少為末陳米湯調下

養胃湯 治內傷生冷外感風寒增寒壯熱或發寒熱

方見瘧類

草菓飲 張氏方 治發瘧寒多熱少或遍身浮腫者

厚朴

青皮去白

草果

藿香

半夏麩

甘草多

丁香皮

神麩炒

良姜冬等分

右咬咀每服二錢水一盞姜三片棗一枚空心煎服

○廣按以上二方治小兒瘧疾寒多熱少無汗者

清脾湯 治因食傷脾停滯痰飲發為寒熱

方見瘧類

常山飲 張氏方 治一切瘧疾

常山

人參

草果

知母

甘草

厚朴姜汁製一宿炒冷黃色

貝母

半夏麩

茯苓

右咬咀每服二錢水半盞姜三片棗一枚空心煎服忌雞肉牛肉諸

般毒食

○廣按已上二方治小兒瘧疾熱多寒少有汗者

鬼哭飲 湯氏方 治瘧疾久未愈者

常山

大腹皮

茯苓

鱉甲醋炙

甘草各等分

右為末用桃柳枝各七寸同煎臨發時服之畧吐出涎不妨

露星飲 湯氏方 治久瘧成勞

秦艽去芦

白朮

柴胡去芦

茯苓去皮

半夏麩

檳榔

黃芩

常山

甘草

官桂各等分

右咬咀每服三錢酒醋各一盞姜三片煎露一宿次早服

痢瘧

○感冒四氣新増

附諸方

麻黃湯 錢氏方 治傷寒發熱咳嗽喘急

麻黃 去根節剉
二錢水煮

肉桂 去粗皮
一錢

甘草 一錢

杏仁 四錢去皮尖
炒令黃色

右吹咀每服四錢水一盞煎服有汗不宜服

人參羌活散 和劑方

羌活

白獨活

柴胡 去芦

川芎

八參

甘草 炙

白茯苓 各一兩

前胡

桔梗 去芦

地骨皮

天麻 酒浸焙
各半兩

枳殼 去穰麩
炒一兩

右吹咀每服二錢水半盞姜一片薄荷一葉棗半枚煎服

未發亦可服

瘡疹

解肌湯 湯氏方 治傷寒發熱心煩燥渴

麻黃 去節半兩或
用七錢半

人參

芍藥

獨活 各半兩

川芎

前胡 各二錢半

右吹咀每服二錢薄荷一葉姜一片水半盞煎服

七寶散 湯氏方 治感寒頭昏身熱小兒乳母同服

紫蘇葉

香附子 炒去毛

橘皮

甘草

桔梗

白芷

川芎 各一兩

加麻黃 半兩

右吹咀每二錢水一盞姜一片棗半枚煎服

參蘇飲 和劑方 治感冒發熱頭疼或回痰飲凝結為熱此藥解肌退熱

寬中快膈止嘔吐開胃進食

紫蘇葉

乾葛

半夏 製

前胡 去苗

人參 去苗

白茯苓 各六分

枳殼 去穰
麩炒

桔梗 去芦

甘草 炙去皮

陳皮 各四分

外感

一方加木香少許

右用水一盞生姜三片棗一枚煎溫服

不換金正氣散 和劑方 治四時傷寒感冒風濕瘴疫時氣頭疼壯熱或

霍亂吐瀉臟腑虛寒下痢赤白並宜服之

厚朴製

麝香 去土

甘草 去皮炙

半夏製

蒼朮製

陳皮 各八分

用水一盞姜三片棗子一枚煎至半盞溫服

黃連香薷散 治伏暑發渴或作瘧痢並宜服之 方見中暑

紅綿散 治夾驚傷寒 方見驚風

金沸草散 和劑方 治風化痰除頭目昏痛項頸強急往來寒熱肢躄煩

疼胸膈滿悶痰涎不利咳嗽喘滿涕唾稠粘及時行寒疫壯熱惡風

旋覆花 去梗

前胡 各七分

荆芥 一分

麻黃 七分

甘草 炙

半夏製

赤芍藥 各二分半

右用水一盞生姜三片棗子一枚煎至八分溫服

薄荷散 湯氏方 治熱極生風痰涎壅盛

薄荷葉 半兩 羌活

全蝎

麻黃 去節

甘草 一分半

姜蚕

天竺黃

白附子 炮各二錢半

右為末每服一錢水半盞煎服加竹葉少許尤妙

華蓋散 治肺感寒邪咳嗽鼻塞聲重 方見咳嗽

潤肺散 和劑方 治肺感風寒咳嗽喘急鼻流清涕

貝母 麩炒

杏仁 去皮麩炒各二兩半

麻黃 去根

人參 各二兩

阿膠 炒半兩

陳皮 二錢半

甘草 一兩

桔梗 半兩

右吹咀每服二錢水一盞食後煎服

人參散 經濟方 治咳嗽發熱氣喘吐紅

外感

人參 天花粉

右為末每服半錢蜜水調下

百部丸 湯氏方 治小兒感寒咳嗽

百部 焙乾 麻黃 去毒各 杏仁 四十箇去皮

右為末煉蜜丸如芡實大熟水化下

一方加松子肉五十粒同杏仁入沙糖為丸噙化尤妙

瀉肝散 錢氏方 治肺氣壅盛咳嗽不已

桑白皮 地骨皮 各一兩 甘草 各二錢半

右為末每四錢水一盞粳米同煎食後服

補肺散 錢氏方 治肺氣不足咳嗽喘急

阿膠 炒一兩半 牛蒡子 甘草 各半 馬兜鈴 半兩 杏仁 七箇去皮

糯米 一兩

右為末每服四錢水一盞煎至六分食後服

流金丸 全嬰方 治小兒咳嗽痰盛

半夏 一錢 白礬 二錢 寒水石 煨六錢 硃砂 一錢 雄黃 一錢

右為末麵糊為丸菉豆大生姜湯下每服二十九大小加減丸數

雄黃丸 治小兒諸般咳嗽益醋等哮喘治大人

雄黃 五錢 半夏 一兩 人言 明者 明礬 巴豆 另研各二錢

右用明礬火化開入信末同枯乾再研為末再炒成砂同前藥為末

和勻麪糊丸如粟米大每服三十九大小加減臨睡桑白皮湯冷送

下或冷茶湯下亦可

升麻葛根湯 錢氏方 治大人小兒時氣溫疫頭痛發熱肢體煩疼及瘡

疹未發疑似之間並宜服之

升麻 白芍 甘草 各一錢 葛根 二錢

內傷

送付餘卷之三十三

口一

右用水一盞煎至半盞去粗稍熱服日二三服

柴胡升麻湯和劑方治時行溫疫壯熱惡風頭痛體疼口燥咽乾心胃

煩滿寒熱往來咳嗽痰盛涕唾稠粘

柴胡去苗

前胡去苗

乾葛

石膏

赤芍藥各七分

升麻三分

桑白皮微炒

黃芩各四分半

荊芥五分半

人參前胡湯湯氏方治小兒感冒發熱

前胡一錢四分去苗

柴胡去苗

半夏湯泡七次

黃芩

人參去芦

桔梗去芦

甘草各七分

右用水一盞生姜三片棗子一枚煎至半盞溫服治瘡加地骨皮去

土半錢

柴苓散湯氏方治腹中伏執候如溫狀

柴胡去苗

麥門冬去心

人參去芦

赤茯苓去皮

甘草各一錢

黃芩去錢四分

右用水一盞入小麥二十粒青竹葉七片煎服

地骨皮散集成治二匝熱潮作亦治傷寒壯熱

知母

柴胡去苗

甘草炙去

人參去芦

地骨皮去皮

赤茯苓去皮

干夏製各七分

石用水一盞生薑三片煎至半盞去滓溫服

加減建中湯湯氏方治傷寒發熱自汗虛煩

熟地黄

甘草炙

人參各半兩

黃耆一兩

白芍藥三兩

右吹咀每服二錢水半盞煎服

田方導赤散核萃方

治小兒傷寒煩熱小便赤色大便褐色面赤

生地黄

木通

甘草各等分

右為末每服四錢水一小鍾竹葉三五片同煎溫服

內傷

右用水一盞煎至半盞去粗稍熱服日二三服

柴胡升麻湯和劑方治時行溫疫壯熱惡風頭痛體疼口燥咽乾心胃煩滿寒熱往來咳嗽痰盛涕唾稠粘

柴胡去苗 前胡去苗 乾葛 石膏 赤芍藥各七分

升麻三分 桑白皮微炒 黃芩各四分 荆芥五分

人參前胡湯湯氏方治小兒感冒發熱

前胡一錢四分 柴胡去苗 半夏湯泡七次 黃芩 人參去苗

桔梗去苗 甘草各七分

右用水一盞生姜三片東果子一枚煎至半盞溫服治瘡加地骨皮去土半錢

柴苓散湯氏方治腹中伏執候如溫狀

柴胡去苗 麥門冬去心 人參去苗 赤茯苓去皮 甘草各一錢

黃芩去錢四分

右用水一盞入小麥二十粒青竹葉七片煎服

地骨皮散集成治二匝熱潮作亦治傷寒壯熱

知母 柴胡去苗 甘草炙去 人參去苗 地骨皮去皮

赤茯苓去皮 半夏製各七分

石用水一盞生薑三片煎至半盞去滓溫服

加減建中湯湯氏方治傷寒發熱自汗虛煩

熟地黃 甘草炙 人參各半兩 黃耆一兩 白芍藥三兩

右吹咀每服二錢水半盞煎服

田方導赤散核萃方治小兒傷寒煩熱小便赤色大便褐色面赤

生地黃 木通 甘草各等分

右為末每服四錢水一小鍾竹葉三五片同煎溫服

益黃散 按萃方治小兒客熱在內不思乳食宜服導赤散次服此藥

方見小兒吐瀉

柴苓湯 治小兒傷寒煩熱小便赤色大便褐色面赤

柴胡去苗一錢 半夏 人參 黃芩 甘草

白朮 茯苓 澤瀉 猪苓各五分 桂三分

右吹咀水一盞生姜三片煎至半盞去相溫服無時

三黃犀角散 湯氏方 治臟腑熱秘

犀角屑 大黃酒蒸 鈞藤 梔子仁 甘草

黃芩各半兩

右為末看兒大小加減熱湯調服

○廣按小兒多有鬱熱因外感風寒內傷乳食而鬱熱發於外鼻塞

者是因外感而發以麻黃湯人參羌活湯以後之類治之鼻不塞

者是因內傷而發且升麻葛根湯柴胡升麻湯以後之類治之

○蟲痛疝氣 新增

附諸方

化蟲散 治嬰孩小兒蛔厥腹痛 幼幼方曰蛔厥多似慢驚但唇口

紫者是蛔厥 湯氏曰每月初五日巳前蟲頭向上可取巳後可安

雷丸三錢 史君子去壳十箇 鶴虱三錢 甘草 大黃各三錢

右為細末用猪肉煮汁調空心服

檳榔遣虫散 治嬰孩蛔虫咬心吐涎疼痛惡哭不止

檳榔炒存性 鶴虱 貫衆 乾漆炒存性 蕪荑

川練子 史君子肉 雷丸 雄黃 黃丹炒

錫灰炒不見星如灰 木香各二錢 巴豆去皮心油七箇 輕粉一錢

右為細末酒煮糊丸如黍子大五更早用猪肉葱油煎將肉細嚼莫

蟲痛

吞引虫頭向上吐去肉用猪肉汁調化虫散送服檳榔丸至已時取
下虫積可進食五歲可服七分十歲服一錢大人亦可服

化虫圓

和劑方

治一切疳虫攻刺心腹疼痛不已叫哭合眼

胡椒

炒

鶴虱

檳榔

苦楝皮

各五錢

白礬

枯一錢二分半

右為末麵糊丸如麻子大量兒大小加減米飲下

靈礬散

錢氏方

治小兒虫咬心痛欲絕者

五灵脂

末二錢

白礬

火枯半錢

右為末每服二錢水一盞煎服不拘時當吐出虫即愈

安虫散

錢氏方

凡虫不可盡去宜安之

檳榔

胡椒粉

川練子

去皮核

鶴虱

炒黃各二兩

白礬

枯過二錢半

右為末每服一錢温米飲調下

川練丸

錢氏方

治上中二焦虛或胃寒虫動作痛

乾漆

五錢研碎炒烟出

雄黃

二錢半

巴豆霜

一錢

右為末麵糊丸如黍米大看兒大小與服取東向石榴根煎湯下痛

者煎右子苦棟根湯下或並蕪蕒湯下亦可

蕪蕒散

錢氏方

治諸虫作痛

白蕪蕒

去屑

乾漆

炒令烟尽各等分

右為末每服一錢米飲調下臨發時服

化虫丸

湯氏方

治回疳生虫五心煩熱

蕪蕒

黃連

神麩

炒

麥蘖

炒各等分

右為末麵糊丸如黍米大空心米飲下

三稜散

湯氏方

治積氣肚痛

縮砂仁

甘草

益智

炒去壳

三稜

莪朮

青皮

去穰炒各等分

虫毒

送村徐朱

五十二

右為末白湯點下

治疝氣方 湯氏方

芫花 醋浸炒

木香

檳榔

三稜 炒各半兩

附子 炮

茯苓 去皮

青皮 去白

全蝎

肉桂

礞砂 各二錢

右為末將礞砂浸洗去土頓在湯瓶上候成膏子和糠醋打麵糊丸如菘豆大每服三十九丸空心温酒下未効再服

一方

小兒心痛欲絕一時無藥可療急用艾灸足大拇指中男左女右

小兒疝痛可灸足大拇指甲後一韭葉聚毛間名大敦穴男左女右

○積聚癖塊 新製

附諸方

快膈消食丸 集成 消食積

縮砂仁

橘皮

京三稜

莪朮

神麩

麥芽 各半兩

香附子 一兩

右為末麵糊丸如麻子大食後白湯下隨大小加減

紫霜丸 治乳哺失節宿滯不化胸膈痞滿嘔吐惡心便利不調乳食

減少又治傷寒傳裏大便酸臭乳食不消或已得汗身熱不除及變

蒸發熱多日不解回食成癩先寒後熱並宜服之 方見吐瀉痢瘡

十全丹 湯氏方 治小兒乳哺不調傷於脾胃丁奚哺露

枳殼 去白炒

檳榔

青皮

陳皮 各半兩

木香 二錢

蓬朮

三稜

砂仁 各半兩

丁香 二錢

香附子 炒一兩

右為末神麩打麵糊和丸如黍米大空心米湯送下五十九

異香散 治小兒疝積腫脹調理脾胃

三稜

莪朮

青皮

陳皮

半夏麩

積聚

藿香 桔梗 益智仁 枳殼 香附子

砂仁 丁香 甘草

右剉散生姜三片棗一枚同煎食遠服

香稜丸 治小兒積氣發熱肚腹膨脹肢體瘦弱飲食不為肌膚

木香 丁香 檳榔去脂 枳殼去穢炒 甘草

史君子去殼 神麩炒 麥芽炒各二錢半 三稜煨 莪木煨

青皮 陳皮 香附炒各五錢 胡黃連一錢

右為細末蒸餅丸如黍米大用米飲送下食遠服

三稜散

三稜 莪木 甘草 益智去壳 青皮

陳皮 神麩 麥芽各二錢

右為細末用白湯調化下不拘時候

七聖丸 湯氏方 消積滯調脾胃

芫花 先用醋浸一宿炒漸乾入三稜莪木同炒 陳皮去白

蓬莪木 京三稜 川練取肉 青皮去白 杏仁去皮尖

右件為細末入巴豆二十粒土油膜和白醋糊丸如粟米每歲常服

二丸臨臥熟水送下常服宜去巴豆

六味三稜丸 五六箇月小兒未喫穀食有癖積者

莪木煨 三稜煨 神麩炒 麥蘗炒 青皮

陳皮各等分

右為細末稀麵糊丸如菉豆大每服三十九白湯下

三稜煎丸 飲食過多痞悶疼痛食不消化又而成癖又治婦人血積

血塊乾血氣經閉

莪木黑角者 三稜各一兩二味濕紙包煨 大黃去皮

積聚

右為末先以^{五十四}大黃銀石器內好醋漬令平慢火熬微乾入二味為丸如菘豆大每服十九至二十九食後溫白湯送下虛實加減服大人如梧子大每服四十九

月蟾丸 秘方 治小兒脾癖癥瘕

木香 人參 黃耆 當歸 桔梗

黃連 三稜炮 蓬朮 鱉甲酥炙 夜明沙

緣礬 枳實 史君子 苦練根皮 訶子各一兩

蝦蟆燒存性 七錢半

右件為末如菘豆大每服三四十九食前米飲下忌生冷雜果子發脾之物大人癥瘕丸如梧桐子大空心服減夜明沙蝦蟆黃連服五十七九

一方 治小兒癖積膏藥

用水紅花子炒二錢大黃朴硝炒梔子子石灰各一錢酒醉雞旦大塊共搗和為膏用青綿布攤貼再用湯瓶熱熨用手帕勒之三日後揭起肉黑如墨是其効也

一方 治小兒癖積丸藥

用三稜義木阿魏蘆薈白木陳皮各二錢水紅花子炒三錢大黃三錢為細末棗肉搗為丸如菘豆大每服三十九空心米飲下

甘遂散 湯氏方 治胸膈伏熱內停飲食以致臟腑不舒氣結脹滿

甘遂煨令赤 青皮去白 黃芩 大黃炒各等分

右咬咀每服二錢水半盞煎服以利為度

取水方 湯氏方 積水疳水並皆治之

甘遂 青皮去白 陳皮去白 木香炮各一兩 枳柳一箇 生用

右為末紫蘇木瓜湯點下忌服甘草

退腫消毒散湯氏方治積水驚水或飲水過多停積於脾或四肢腫而身熱宜用藥內消之其腫自退

蘿蔔子 赤小豆 甘草炙 陳皮各半 木香二錢

右咬咀每服二錢水一小盞姜棗煎服

勻氣散御藥院方治脾肺氣逆喘嗽面浮胃膈痞悶小便不利

桑白皮二兩 陳皮去白二兩 桔梗炒一兩 甘草炙一兩 藿香葉半兩

木通四兩 赤茯苓去皮一兩

右咬咀每服二錢水一小盞姜二片煎服

木香散湯氏方治心經伏熱小便不通

木通一兩 牽牛半兩 滑石一兩

右為末以心葱白煎服

○調理脾胃

附諸方

參苓白朮散 治小兒脾胃虛弱不進飲食 方見調補脾胃

四君子湯 調脾胃進飲食 見補損

溫脾散和劑方治脾胃不和腹脇虛脹不進飲食困倦無力

訶子炮去核 人參各七錢半 白朮 木香 桔梗各半

茯苓 藿香 陳皮 黃芪各半 甘草二錢

右咬咀每服二錢水半盞姜棗煎服不拘時

丁香散和劑方治胃虛氣逆嘔乳不食

人參半兩 丁香 藿香葉各二錢半

右咬咀每服二錢水半盞煎熱入乳汁少許煎服

和中散和劑方治脾胃不和嘔逆惡心乳食不進

厚朴六兩 乾姜炮 甘草各二兩 白朮三兩

調胃

右吹咀每服四錢水一小盞姜二片煎空心熱服

調中散 湯氏方 治脾胃不和

人參 去芦

白茯苓 去皮

木香

白朮

甘草 炙

乾姜 炮

藿香葉

宿砂仁

香附子 炒去毛

丁香 等分

右為末每服一錢姜棗煎湯下如肚疼以白湯點下

醒脾散 湯氏方 治小兒脾胃怯弱為風冷所乘體熱頭疼霍亂

天南星 二箇重

人參 去芦

丁香 四十粒

白茯苓

藿香葉

白朮

甘草 炙各半兩

右為末生姜冬瓜子煎服

加減觀音散 湯氏方 調理脾胃宜常服之

白朮 炒

人參 去芦

白匾豆 蒸

白茯苓 去皮

麥蘗 炒

黃芪 蜜水炙

甘草

乾山藥

神麩

香附子 炮去毛各等

右為末每服一錢空心米湯調下

下胃散 經濟方 治吐逆頻併手足心熱不進飲食

紅麩 三錢 甘草 多一錢

白朮 一錢半

右為末每服半錢煎棗子米飲下

銀白散 簡易方 治小兒百病

藿香 去土

天麻 炒

糯米 炒一方用糯粟各半兩

姜蚕 炒去絲嘴

川升麻

甘草 炒各二錢半

白附子 半錢

木香 濕紙裹煨一錢半

白朮 剉以菘豆同炒

山藥

黃芪 炒

人參 各一兩

白茯苓 一兩 白匾豆 一兩

右為末隨証加減常服沸湯或米飲調下慢驚搐搦射香飯飲下

急驚定後吐不止陳米飲下 夾驚傷寒發搐薄苛葱白湯下 壯

熱面赤乾葛金錢薄苛湯下 天柱倒行步脚軟濃米飲下 疳氣

腹急多渴百合湯下 飲食不知飽飢不生肌肉炒麥芽生姜煎湯
下 神氣脫語言不正及吐瀉藿香湯下 暴瀉紫蘇木瓜湯下
白赤痢不進飲食米飲煎罌粟壳湯下 稟受怯弱每日一服常
服調理脾胃姜棗湯下 和劑云木香黃芪白附子姜蚕糯米藿
香加知母共味各等分

瀉黃散 按萃方 瀉脾熱目黃口不能吮乳

藿香 七錢 山梔子 二兩 甘草 半兩 石膏 半兩 防風 四兩

右剉用蜜酒微炒香為細末每服一錢至二錢水一盞同煎清汁服
異功散 按萃方 溫中和氣治吐瀉不思飲食凡小兒虛冷病先與數服

以正其氣 方見吐瀉痢瘡

進食散 進食神效

白匾豆 微炒 石蓮肉 炒去心 人參 焙各二錢 茯苓 一錢 神麩 二錢

甘草 炙 白芷 木香 黃芪 蜜水塗炙

右為細末每服嬰孩一字二三歲半錢四五歲一錢用水半鍾生姜
一片棗子半枚煎十數沸調末服之

人參沉香散 治脾氣虛

人參 木香 白朮 沉香 各五錢 茯苓 二兩

甘草 白芷 各三錢

右為末每服一錢米飲調下嘔吐藿香湯下

○小兒雜方 新增

附諸方

小兒初生回氣法 保生要方

小兒初生氣欲絕不能啼哭者必是難產或冒寒所致急以綿絮包
裹抱懷中未可斷臍帶急燃火紙燃蘸油點燈於臍帶上往來遍帶

薰燒之蓋臍帶連兒腹待火氣由臍入腹更以熱醋湯盪洗臍帶須
史氣四啼哭如常方可洗浴浴洗了方斷臍帶

通小兒大小便法 保生要方

小兒初生大小便不通腹脹欲絕者急令婦人以溫水先嗽了口吸
咂兒前後心并臍下手足心共七處每一處凡三五次嗽口吸咂取
紅赤為度須臾自通不爾無生意有此證知此法可得再生

煉臍法

嘗聞子在母腹中胞胎十月止於臍中與母通氣初降生之時雖曰
胎胞已破始於兒口鼻中接天地之氣而呼吸之其臍中所通之氣
猶未盡絕况收生之母不明通氣之大理不知斷臍之細功粗心妄
意以致斷臍之初日所通之氣招風入內若有之其法新生小兒綿
裹臍帶離肚五六寸處先用軟綿繒仕却於線外將臍咬斷片時去

線待血流盡以手輕輕揉散艾灸臍頭三五炷結作紇絡軟帛腰裹
切不可常時揭看待臍根落去自然無事 一法小兒降生之後即
將軟線貼臍根繒仕待第三日離肚二指將臍剪斷用生姜自然汁
或香油和麪裹臍四圍將臍頭鋪艾灸三炷謂之薰臍後不招風
封顛法 醫方集成

射香 蜈蚣末 牛黃 末 青黛 末各字七 薄荷 半字七

蝎尾 去尾毒為末半錢 七一方作半字七

右為末熟棗肉和成膏新綿上塗勻貼於顛上四方可出一指許火
上炙火頻熨百日裏外小兒可用此塗并浴法

浴體法 錢氏方

天麻 二錢 蝎尾 去毒 硃砂 各半錢 烏蝎肉 酒浸焙 青黛

白礬 各三錢 射香 一字七

雜方

右為末每用三錢水一碗桃枝一握同煎溫熱浴兒勿浴背上

雄黃解毒丸 治小兒痰熱上攻發作纏喉風喉痺雙鵝腫痛湯藥不
下及咽痛頰腫等証用此藥吐之

雄黃 一兩 巴豆 去油一箇 鬱金 一錢

右為末醋糊丸如黍米大熱茶清下七丸至十九吐出頑涎即甦大
効如口噤以物幹開灌之下咽無不活者

吐風散 治小兒急中風口噤不開不省人事

全蝎 一箇 瓜蒂 十箇 赤小豆 三十粒

右為末一歲一字溫米飲調下未出再服

○廣按丹溪云小兒急慢驚風發熱口噤小手心伏熱痰熱咳嗽痰喘
此類証並宜湧法吐之則此方可以通用

救生散

猪牙皂角 炮 天南星 生 半夏 生 荆芥穗 川烏

天麻 防風 礪蚕 炒 細辛 全蝎 去毒炒

草烏 炮 薄荷 各五分 雄黃 五分

右為末入射香一字藥少許研勻用竹管盛藥吹入鼻中開閉再用
生薑汁調藥搽牙根上

踈風散 治小兒五臟中風身體不能自收胃悶不知疼痛口不能言

筋脉拘急手足抽掣

防風 犀角 麻黃 去節 人參 當歸

川芎 羌活 遠志 去心 茯神 去木 甘草 炙各等分

右咬咀用水煎食前服永除病根不成痼疾

白餅子 錢氏方 治小兒停乳以致嘔吐泄瀉腹脹潮熱驚疳喘嗽等

証用此藥下之

巴豆

二十四箇去皮膜水一斗煮水盡為度

天南星

炮半夏湯炮七次

輕粉

各一錢

右研勻巴豆後入衆藥以糯米飯為丸小豆大捻作餅子煎葱湯下

○廣按人乳味甘戀膈易於停積所以小兒之病多繫於此此方用

南星半夏以豁痰飲用輕粉滑石以瀉濕熱用巴豆以通利積滯

推陳致新之妙用也

寶鑑三稜煎丸

治小兒飲食過多痞悶疼痛宿食不化久而成癖

廣木

黑角者

荆三稜

二味濕紙裹煨為末各一兩

大黃

去皮八兩錦文者

右將大黃為末銀石器內以好醋浸令透慢火熬成膏和二藥為丸

麻子大或萊豆大每一二十九食後溫水下

廣末化癖丸

治乳食不消心腹飽脹壯熱喘麤嘔吐痰涎食癥乳癖

代赭石

醋淬 當歸

朱砂

枳殼

廣末

荆三稜

炮各半兩 木香

射香

巴豆

去油各二錢半

右為末研勻麵糊丸如麻子大每一歲兒二九米飲下

○廣按已上二方消導之劑也但有寒熱輕重之分宜選用為妙

一方 治小兒外腎腫硬及陰瘡

用乾地龍為末先葱椒湯於避風處洗次用津唾調傅其上

三白散

和劑方

治小兒膀胱蘊熱風濕相乘陰囊腫脹以致大小便不利皆治

白牽牛

二兩 桑白皮

木通

去節

白木

陳皮

各五錢

右為末每服二錢姜湯調下空心服

牡丹散

濟生方 治小兒外腎偏墜

防風

去芦

牡丹皮

去木各等分

右為末每服二錢溫酒調服如不飲酒鹽湯點服亦可

疥瘡方

白礬煨

五倍子各一錢

右為末蒸水洗淨貼患處

金華散錢氏方治小兒一切濕瘡疥癬等瘡

黃蘗

黃連

各半兩 並為末

黃丹一兩 水飛

輕粉一錢

射香一字 別研

右同研勻先以溫水洗然後貼之

一方湯氏方治濕癬瘡

用蛇床子為末先以韭菜煎湯洗次用臘月猪脂調並傳之

羊蹄散 小兒頭癬久不差者

白礬半兩

羊蹄根四兩

黃丹少許

右搗爛入米醋半盞調均候癬極痒搽之至疼即止隔日洗去再搽

治大腸虛弱肛門脫下湯氏方

龍骨

訶子肉

各一兩 沒石子

大者二枚 罌粟殼

去穢醋塗各二錢

右為末白湯點服仍用葱湯薰洗令軟軟以手托上又用甄一片燒

紅以醋洗之氣上即用脚布疊數層壓定使熱氣上透不可過熱

令病者臀坐布上如賚布溫逐旋減之常得溫熱為度并常服煎藥

治鼻衄湯氏方

用生蘿蔔去葉搗汁仰頭滴入鼻中或血妄行取汁飲之立効

白斂散湯氏方治小兒凍耳成瘡或癢或痛

黃蘗

白斂各等分

右為末先以湯洗瘡後用生油調塗

生附散湯氏方治凍爛脚成瘡

用生附子為末麩水調貼之即愈

香薷煎湯氏方治小兒白禿不生發燥痛

陳香薷

二兩 胡粉 一兩

猪脂 半兩

右用水一大盞煎香薷取汁三分去滓入胡粉猪脂相和令勻塗冷頭上日日頻用之

芎黃散 湯氏方 治小兒齒不生

大芎藭

乾地黄

各半 兩 山薯預

當歸

芍藥

甘草

炙各二錢五分

右為末熱湯調服用搽匿脚

黃連散

張子和方

治頭瘡

川黃連

黃栢

去粗皮

真輕粉

草決明

各等分

右為末用生小油調藥於瘡上塗立効

一方 治小兒耳邊鼻下赤爛濕痒名曰蝕疔瘡

幼幼方

黃丹

菘豆粉

一錢

白礬

一錢 飛過

右研細乾付瘡上唾調亦可

軟膏膏 治一切風熱及小兒頭瘡

巴豆

七箇 瀝青

黃蠟

香油

各五兩 膩粉

一錢

右先將瀝青香油黃蠟熬次入巴豆不住手撓候巴豆焦黑色去巴

豆却入膩粉令勻放冷敷瘡上

大烏散 治小兒癰癤腫毒

南星

赤小豆

草烏

黃栢

各等分

右為末生薑白然汁調貼患處或用米醋調尤佳

搨皮散 治嬰孩小兒解癩瘰癧作疼痛

搨皮

去粗皮此樹在處有即包藍樹葉木也

右不拘多少切碎用水煎溫湯頻洗

白芨散 治小兒瘰癧膿汗不乾

白芨

貝母去心各五錢 輕粉二錢

右為末先搨皮散洗過後用清油調付

龍骨散 治小兒停耳

白礬煨一錢

龍骨煨一錢半 黃丹炒一錢

乾胭脂半錢 射香一字

右為末以綿杖子展却耳中膿水用藥末一字摻在耳中勿令風入

耳瘡方

黃連去須

蛇床子各一錢 輕粉一字

右為末鵝毛管吹藥入耳內

連末散 治嬰孩小兒滿頭如癩瘡毒及手足身上陰器膚囊痒則

抓爛黃水汁淋漓燥痛

黃連去須五錢

蛇床子去上二錢五分

五倍子一錢 輕粉五分

右為末先以荊芥葱煎湯洗拭乾後用清油調付

金銀散 治嬰孩小兒眉間生瘡名煉銀瘡

煨金銀鍋一箇

輕粉五分

右為末用麻油調傅

澤瀉散 治小兒鼻下兩膀瘡濕痒爛

澤瀉

鬱金

甘草炙

山梔子各一錢

右為末用甘草煎湯調食後服

地黃湯 治小兒鼻衄

川芎

生地黄

赤芍藥

當歸各等分

蒲黃少許

右吹咀用水前不拘時

蒲黃散 治初生小兒大小便下血

生蒲黃

油頭髮

燒灰各一錢

右為末用生地黄汁或米飲調乳前服

立効散 治小兒弱血

蒲黃 生地黄 生甘草 赤茯苓 去皮各等分

右咬咀用水煎入髮灰調勻食前服

聖惠方 治小兒龜胃

大黃 煨三錢 天門冬 去心 百合 木通 杏仁 去皮尖 麩炒

枳殼 炒 桑白皮 蜜炒 葶藶 隔紙炒 朴硝 各五錢

右為末煉蜜丸如芡實大用溫湯調化食後仍用灸兩乳前各一寸

半上兩行三骨間六處各灸三壯春夏從下灸起秋冬從上灸起依法灸之

法灸之

枳殼丸 治小兒龜背

枳殼 炒 防風 去芦 獨活 去芦 大黃 煨 前胡 去芦

當歸 麻黃 去節各三錢

右為末麵糊丸如黍米大用米飲食後服仍用灸肺俞穴在三椎下

兩傍各一寸半心俞穴五椎下兩傍各一寸半膈俞穴七椎下兩傍

各一寸各灸三壯

芎黃散 治小兒齒遲

川芎 山藥 當歸 芩藥 炒 茸草 炙各三錢半

右為末用白湯調化食後服將乾藥末摻齒根

菖蒲丸 治小兒語遲

人參 石菖蒲 麥門冬 去心 遠志 去心 川芎

當歸 乳香 朱砂 各二錢

右為末煉蜜丸如黍米大用米飲食遠服三十九

虎骨丸 治小兒行遲

虎脛骨 酥油 生地黄 酒洗 白茯苓 去皮 酸棗仁 去殼 肉桂皮 去粗

防風

當歸

酒洗

川芎

牛膝

酒洗去芦
各五錢

右為末煉蜜丸如黍米大用三十九木瓜湯食前服

牡蠣散 治小兒盜汗

牡蠣煨二錢

黃芪

蜜炙一兩


生地黄

一兩

右咬咀分作三服水煎不拘時

○廣按小兒如草頭之露水上之泡用藥不可不謹也夫小兒之病多因脾胃嬌嫩乳食傷積痰火結滯而然其証不一且舉其尤者而言乳食傷胃則為嘔吐乳食傷脾則為泄瀉吐瀉既久則成慢驚或為疳病乳食停積則生濕痰痰則生火痰火交作則為急驚或成喉痺痰火結滯則成癰吊或為喘嗽胎熱胎寒者稟受有病已臍風撮口者胎元有毒也鵝口口瘡者胃中有濕熱也重舌木舌者脾經有實心也胎驚夜啼者邪熱乘心也變蒸發熱者胎毒將散也丹毒者火行於外也蘊熱者火積於中也中惡者外邪乘也睡驚者內火動也痢者腹中食積也瘡者膈上痰結也外感發熱者鼻塞聲重也內傷發熱者口苦舌乾也心痛者虫所竅也疝痛者寒所鬱也積有常所有形之血也聚無定位無形之氣也胃者主納受也脾者主運化也脾胃壯實則四體安康脾胃虛弱則百病蜂起業童科者可不以調理脾胃為切要哉





八二四
卷之二
六

